

# پھلوار

(پھاڑی نی چھیمی کتاب)



جموں اینڈ کشمیر اسٹیٹ بورڈ آف اسکول ایجوکیشن

★ ناشرنی پیشگی اجازت تھیں بغیر اس کتاب نے کسے وی حصے کی دوبارہ پیش کرنا یا داشت نے ذریعے بازیافت نے سسٹم بچ اس کی محفوظ کرنا یا برقیاتی، میکاکی، فوٹوکاپی، ریکارڈنگ نے کسے وی وسیلے سنگ اس نی ترسیل کرنا منع ہے۔

★ اس کتاب کی اس شرط نال پچا جارہیا ہے جے اس کی ناشرنی اجازت نے بغیر اس شکل تھیں علاوہ جس بچ کہ ایہہ چھاپی گئی ہے یعنی موجودہ جلد بندی تہ سرورق بچ تبدیلی کری تہ تجارت نے طور اُپر تہ ادھار دتا جاسکنا ہے ہور نہ دوبارہ پچا جاسکنا ہے نہ کرائے اُپر دتا جاسکنا ہے ہور نہ ہی تلف کیتا جاسکنا ہے۔

★ کتاب نے اس صفحے اُپر جیہڑی قیمت درج ہے اوہ اس نی صحیح قیمت ہے۔ کوئی وی نظر ثانی شدہ قیمت پہنویں اوہ ربر نی مہر نے ذریعے یا چسپی یا کسے ہور طریقے نال ظاہر کیتی جائے اوہ غلط منی جاسی گی نالے نا قابل قبول وی ہوسی گی۔

**نگران:** فاروق احمد پیر (ڈائریکٹر اکیڈمک) اسٹنٹ ڈائریکٹر: ڈاکٹر یاسر جمید سہر وال  
کو اڈیٹیو: ڈاکٹر انور ادھا شرما

## مولفین:

ڈاکٹر جہانگیر دانش  
(ریٹائرڈ پروفیسر، محکمہ اعلیٰ تعلیم)  
امتیاز نسیم ہاشمی  
(سینئر لیکچرار اردو اسکول ایجوکیشن)

ڈاکٹر مرزا فاروق انوار  
چیف ایڈیٹر (پہاڑی)، کلچرل اکادمی  
راجہ نذر بونیاری  
(ریٹائرڈ ہیڈ ماسٹر)

جاوید احمد مملاک  
(ماسٹر محکمہ تعلیم)

**اشاعتی صلاح کار:** ریاض احمد ملک (سیکریٹری جے اینڈ کے اسٹیٹ بورڈ آف اسکول ایجوکیشن)  
کمپوزنگ: عبدالواحد منہاس #9622861597 مطبع:

# فہرست

صفحہ نمبر	عنوان	نمبر شمار
۵		☆ اپنی گل
۸		☆ اظہارِ تشکر
۱۰	(نظم)	(۱) حمد باری تعالیٰ
۱۳	(نظم)	(۲) نعتِ نبی ﷺ
۱۶	(نثر)	(۳) اساہڑے آس پاس ناما حول
۲۳	(نظم)	(۴) ترانہ
۲۷	(نثر)	(۵) اچھا سلوک
۳۱	(نثر)	(۶) رسول اللہ ﷺ نا اخلاق
۳۵	(نظم)	(۷) چن
۴۰	(نثر)	(۸) گاں
۴۴	(نظم)	(۹) ستھر یما

۴۷	(نثر)	اسدے موسم	(۱۰)
۵۴	(نظم)	یاد وطن دی	(۱۱)
۵۷	(نثر)	قربانی ناجذبہ	(۱۲)
۶۲	(نثر)	پنجایت	(۱۳)
۶۷	(نثر)	گڑیاں نی تعلیم	(۱۴)
۷۰	(نثر)	پیرگلی: اک صحت افزا مقام	(۱۵)
۷۴	(نظم)	کونل	(۱۶)
۷۷	(نثر)	جابر بن حیان	(۱۷)
۸۳	(نثر)	چوری	(۱۸)
۸۷	(نثر)	نشے نی لت	(۱۹)
۹۱	(نثر)	چنگیاں عاداتاں	(۲۰)
۹۵	(نثر)	بابا صاحب امبیڈکر	(۲۱)
۱۰۱	(نثر)	ڈاکٹر صاحب مرزا	(۲۲)
۱۰۸	(نثر)	پہلے اپنا کھر بنھ	(۲۳)





## اپنی گل



پہاڑی زبان ریاست جموں و کشمیر نے اک بڑے طبقے فی زبان ہے تہ اسراں اس فی اک خاص اہمیت وی ہے تہ خاصیت وی۔ حکومت جموں و کشمیر نے مادری زبانان کی اسکولاں نے تدریسی نصاب نا حصہ بنانے والے حکم نامے نے تحت پہاڑی زبان کی وی اس عمل نا حصہ بنایا گیا ہے۔ اس فیصلے نال ریاست فی تری بڑی زبان نے بولنے والیاں فی اک دیرینہ مانگ پوری ہون نے نال نال انہاں بچیاں کی اپنا حق ملیا جنہاں فی کہ ایہہ مادری زبان ہے۔

ریاستی تعلیمی بورڈ ایہہ کوشش کیتی ہے جے پہاڑی زبان نیاں تدریسی کتاباں کی نویں تعلیمی پالیسی سنگ ہم آہنگ کیتا جائے تہ مُلک پھر نچ جیہڑا معیارِ تعلیم قائم کیتا گیا ہے، اُس کی نظراں اگے رکھی تہ پہاڑی زبان نیاں درسی کتاباں کی اُسے معیار نے مطابق تیار کری بچیاں تکر پُچایا جائے۔ اسے غرض نال ریاستی تعلیمی بورڈ ”پھلوڑ“ نے نال نال پہاڑی نیاں درسی کتاباں نا سلسلہ اپنے حُسن انجام تکر پُچایا ہے ہور زبر نظر کتاب جیہڑی چھیمی جماعت نے طالب علماں واسطے تیار کیتی گئی ہے، اسے سلسلے فی اک کڑی ہے۔ اس کتاب فی تیاری ویلے منے پڑ منے نے لسانی اصولاں کی نظراں اگے رکھیا گیا ہے۔ کتاب نامنڈھلا مقصد طالب علماں کی زبان نیاں بُنیادی ضرورتاں تہ نزاکتاں تھیں واقف کرانا ہے۔ انہاں کی املا ہور اس نے متعلق دُویاں او ہکھتاں (دشواریاں)

تھیں روبرو کرایا جانی سکتے تھے جے اوہ آسانی نال پہاڑی زبان لکھی پڑھی سکے۔ آساں کی پکی میڈ ہے جے اس کتاب کی غور نال پڑھنے تہ سمجھنے تھیں بعد طالب علماں کی اگلیاں جماعتاں بچ پڑھائیاں جانے والیاں کتاباں پڑھنے تہ سمجھنے بچ آسانی ہوسی گی۔

اس کتاب نی ترتیب تہ تدوین جیہڑیاں ورکشاپاں منعقد کیتیاں گئیاں انہاں بچ زبان نے ماہراں تہ تجربہ کار استادان حصہ کھد اتہ اپنے قیمتی مشوریاں نال نوازا۔

اسیں مؤلفین (ڈاکٹر مرزا فاروق انوار ڈاکٹر جہانگیر دانش راجہ نذر بونیاری امتیاز نسیم ہاشمی تہ جاوید کلاک) ہوراں نے شکر گزار ہاں جہاں اس کتاب کی ترتیب دتا۔ میں ذاتی طور پر ڈاکٹر میٹر اکیڈمیک جناب فاروق احمد پیر اسٹنٹ ڈاکٹر جناب یاسر حمید سروال تہ اکیڈمیک آفیسر ڈاکٹر انور ادھا شرماجی نی وی شکر گزار ہاں جے انہاں وی اس سلسلے بچ تہ ہی نال کم کیتا۔ اس تھیں علاوہ میں جناب عبدالواحد منہاس ہوراں نی وی بہوں شکر گزار ہاں جے انہاں اس کتاب کی نہ صرف کمپوز کیتا سگوں اس نام نہہ متھا وی سنواریا۔

آخر بچ میں استادان اگے گزارش کر ساں جے اوہ اپنے تجربے نی لوہ بچ اس کتاب کی مزید بہتر بنانے واسطے اپنے قیمتی مشوریاں تہ تجویزاں تھیں نوازن تاں جے اگلا ایڈیشن ہوروی چنگا پیش کیتا جانی سکے۔

پروفیسر وینا پنڈتا

چیر پرسن سٹیٹ بورڈ آف سکول ایجوکیشن

## اظہارِ تشکر

پہاڑی زبان کی اسکولی تدریسی نصاب پنج شامل کرنے نا عمل بہوں تند ہی نال مرتب کیتا گیا۔ اس سلسلے پنج پہلی تھیں اٹھمی جماعت تک نا نصاب مکمل ہوئی چکلیا ہے۔ مقامی زبانان عام طور اُپر رسم الخط نا اک عمومی مسئلہ رہیا ہے، مگر پہاڑی نے معاملے پنج ریاستی اکیڈمی آف آرٹ، کلچر اینڈ لیگنویجز نا اختیار کردہ رسم الخط ہی اختیار کیتا گیا ہے، کیّاں جے اس ویلے مقامی زبانان نا نشر و اشاعت نا سب تھیں بڑا ادارہ اکیڈمی ہی ہے تہ ایہہ گل اس واسطے وی مناسب ہے جے کلچرل اکیڈمی سن اس سلسلے پنج ماہر لسانیات تہ زبان نے اسکا لراں نیّاں کئی ورکشاپاں کراوئی تہ اُردو رسم الخط نے اندر معمولی رد و بدل نال اک قابل قبول رسم الخط اختیار کیتا ہے تہ ایہی مناسب ہے جے اُسے کی عملایا جائے۔

سٹیٹ بورڈ آف سکول ایجوکیشن نصاب نی تیاری نے سلسلے پنج جیہڑیاں ورکشاپاں منعقد کیتیاں، انہاں کی نتیجہ خیز بنانے واسطے ادارہ بالعموم تہ راقم بالخصوص ڈاکٹر مرزا فاروق انوار ڈاکٹر

جہانگیر دانش راجہ نذر بونیاری، امتیاز نسیم ہاشمی، جاوید احمد مکلاک، ہوراں ناشکر، یہ ادا کرنا اپنا فرض منصبی سمجھنا ہے۔ انہاں حضراتاں بہوں لگن تہ محنت نال ایہہ نصاب تیار کیتا ہے۔ اس اُستاد صاحبان اُگے وی گزارش کرساں جے اوہ اپنے تدریسی تجربے نی روشنی بچ اپنی قیمتی رائے نال ضرور نوازن تاں جے اگلا ایڈیشن ہور بہتر طور اُپر شائع کیتا جائی سکے۔ اتھے میں اس سلسلے نال جڑے بورڈ نے عملے جنہاں بچ ڈاکٹر یاسر حمید سر وال (اسٹنٹ ڈائریکٹر) ڈاکٹر انور ادھا شرمہ (اکیڈمی آفیسر) تھیں علاوہ اس کتاب نے کمپوزر جناب عبدالواحد منہاس ناوی بے حد مشکور ہاں جے انہاں اس سلسلے کی کامیابی نال ہمکنار کرنے واسطے رات تہیاڑ محنت کیتی۔

فاروق احمد پیر

ڈائریکٹر اکیڈمی



## حمد باری تعالیٰ

سارے جگ نا والی مولیٰ  
توں عالی توں عالی مولیٰ  
تیلے تیلے نا ہیں خالق  
پھل پتر نا مالی مولیٰ  
آسماناں ور تارے طنگی  
کالی رات اُجالی مولیٰ  
آن منگیاں وی توں ہیں دینا  
منگاں ذوقِ بلائی مولیٰ

رحم تو اہڑے نا میں آسی  
موڑیں نہ ہتھ خالی مولی  
آسماناں ور دینہہ چن تارے  
تیرا نور جلالی مولی  
تیرے باج کیہڑا کچھ رکھے  
واحد روز سواالی مولی

عبدالواحد منہاس

## 1۔ اوہکھے لفظاں نامطلب:

خالق	:	پیدا کرنے والا
ذوق	:	شوق
منگاں	:	منگنا
عالی	:	اُچّا۔ بلند
جلالی	:	جلال والا

2- اس نظم نا کہہ مفہوم ہے؟

3- درج ذیل مصرعیاں کی آسان تشریح بیچ لکھو:

(۱) ان منگیاں وی توں ہیں دینا

(۲) منگاں ذوقِ بلائی مولیٰ

(۳) آسماناں وردی نہہ چن تارے

(۴) تیرا نور جلالی مولیٰ

4- ذیل بیچ دتے نے لفظاں کی اپنے جملیاں بیچ استعمال کرو:

(۱) مولیٰ

(۲) جلالی

(۳) مالی

(۴) بانج

(۵) سواالی

(۶) چن

(۷) خالق

5- اس نظم کی زبانی یاد کرو۔



## نعتِ نبی ﷺ

نبیاں نے سردارِ نبی عظمت کے لکھاں  
 آقاؐ نے دربارِ نبی عظمت کے لکھاں  
 طائف اندر بٹے کھا کے رہے خاموش  
 آقاؐ نے گفتارِ نبی عظمت کے لکھاں  
 مٹھی نے بیچ گپٹیاں کلمہ پڑھیا ہے  
 اس تھیں بدھ سرکارِ نبی عظمت کے لکھاں  
 جس جانی تھیں لنگھنے خوشبو بندنے سن  
 زلفاں و دستارِ نبی عظمت کے لکھاں



اُمّت واسطے اتھروں ڈوہنے رہنے سن  
 اُمّت نے غمخوار نی عظمت کے لکھاں  
 لپ لپ کرنا نور اوہ جتھوں چونا سا  
 پھلاں جئے رُخسار نی عظمت کے لکھاں  
 جیہڑی تہرتی پیر انہاں نے چُمنی سی  
 اُس لشکے بازار نی عظمت کے لکھاں

پرویز مانوس

## 1- اوہکھے لفظاں نامطلب:

سردار	:	قوم قبیلے ناسر کردہ
عظمت	:	بڑھائی۔ عزت
گفتار	:	بول چال۔ گل بات
زُلفاں	:	بال
دستار	:	پگ۔ پگڑی
غمخوار	:	غم بندنے والا
لشکے	:	چمکدار

## 2- مندرجہ ذیل سوالوں نے جواب دیو:

- (۱) نعت کس کی آکھنے ہین؟
- (۲) طائف اندر بے کس مارے سن؟
- (۳) نبی ﷺ نیاں جو صفتاں بیان کیتیاں گئیاں ہین، انہاں بچوں کوئی چار اپنے لفظاں بچ لکھو؟
- (۴) اس نعت نے آخری شعر نامطلب لکھو؟

## 3- خالی جگہاں کی اسے نعت بچوں لفظ ہنی تہ پر کرو:

- (۱) آقائے..... نی عظمت کے لکھاں۔
- (۲) اس تھیں بدھ..... نی عظمت کے لکھاں۔
- (۳) جس جانی تھیں لنگھنے..... بند نے سن۔
- (۴) پھلاں جئے..... نی عظمت کے لکھاں۔

## 4- اس نظم کی منہہ زبانی یاد کرو۔



## اساہڑے آس پاس ناما حول

اساہڑے آسے پاسے جیہڑی ہوا پانی، بیل بوٹے ہوہ ہزاراں قسم نے جاندار ہین، ایہہ اساہڑا ماحول ہے۔ انہاں ساریاں ناکا ڈوے سنگ ڈوہنگا تعلق ہے۔ جے کر انہاں بچوں کوئی اک وی خراب ہوئی جائے تہ سارا ماحول ہی بگڑی جانا ہے۔ اس ناساں ور بہوں مندہ اثر پینا ہے۔ تساں کدے سوچیا جے اَجکل بکھ بکھ قسم نیاں ماندکیاں وباء نی شکل بچ۔ کھنڈی گئیاں ہین۔ کینسر نی ماندکی واخ ہی تکو جے ایہہ کتنی کھلری گئی نی ہے۔ اسے طراں دل نے بیماراں نی گنتر وی دن بہ دن بدھ رہی ہے۔ اکثر لوکاں کی ساہ کھنڈیاں

تکلیف کیوں ہونی؟ موسم کیوں بدلی گئے؟ جیٹھ ہاڑ بچ ہوں گرمی کیوں ہونی ہے؟ سیالے بچ برف کیوں کہٹ بہر نی ہے؟ دریاواں نا پانی کیوں گیندلا ہوئی گیا؟ صاف پانی نیاں باولیاں تہ کھوہ کیوں سکی گئے؟ ایہہ سارا گجھ ماحول نے بگاڑنی وجہ تھیں پیدا ہو یا ہے۔ اس واسطے اس آپوں ذمہ وار ہاں۔

چھلی اک ڈیڑھ صدی تھیں آبادی بچ ہوں باہدا ہو یا۔ اس باہدے سنگ ضرورتاں کی پورا کرنے واسطے پیداوار بچ باہدا کرنے نی بڑی کوشش کیتی گئی۔ صنعتی انقلابے انسان کی مشیناں تھیں واقف کرایا جنہاں نی مدد نال پیداوار پہلاں کولوں ہوں زیادہ بدھی گئی۔ اسراں اساہڑی بدھی ہوئی آبادی نیاں ضرورتاں پوریاں ہوئی گئیاں۔ غلہ پیدا کرنے واسطے آساں زیادہ تھیں زیادہ زمین ورغلہ پیدا کرنے نی کوشش کیتی۔ اس مطلب لئی آساں جنگلاں کی کپنا شروع کری کہندا۔ کارخانے لگنے نال ماحول ہوں خراب ہوئی گیا۔

قدرت نے بنائے ہوئے ماحول کی آساں تھس تھس کری چھوڑی۔ مثال نے طور ور ہوا پانی، جنگلاں تہ جانداراں بچ اک خاص قسم نامیل جول سا۔ بدھنی ہوئی آبادی، کارخانے تہ مشیناں نے استعمال نال سارا ماحول بگڑی

گیا۔ کارخانیاں تہ فیکٹریاں نے بچوں نکلنے والے تھوئیں نالے ہور زہریلے مواد اساہڑے ماحول کی بھتا گندا کری چھوڑیا۔ ہوا پانی ہور ساری زمین زہریلی ہوئی گئی۔ گڈیاں نے تھوئیں اساہڑے آسے پاسے نی فضا کی ہور زہریلا کری دتا۔ ایہہ ساریاں گیساں ہوانچ جمع ہوئی گئیاں، جس نی وجہ تھیں ساہ کھنیاں ایہہ سارے زہریلے مادے اساہڑے وجود نچ چلے جانے ہین تہ بکھ بکھ بیماریاں کی جنم دینے ہین۔

انہاں ساریاں گیساں تہ زہریلے مادیاں نے باہدے اساہڑے ماحول کی بہت نقصان دتا۔ کجھ گیساں فضا نچ تیزاب پیدا کیتا، جس نی وجہ تھیں بے شمار ملکاں نچ تیزابی بارش وی بہری۔ اس تیزابی بارش نال اساہڑے بوٹے، جڑی بوٹیاں تہ جانداراں کی ڈاہڈا نقصان پچیا۔ آج کل





زیادہ تر دریاواں، کٹھیاں تہ باولیاں ناپانی پینے نے قابل نیہہ رہیا تہ نہ ہی سگ لانے واسطے رہیا۔ نال نال پانی نے جانوراں کی بھتتا نقصان ہويا۔ چھیاں تہ دُوے پانی نے جاندار بے شمار بیماریاں نے شکار ہوئی گئے۔

ہوا، پانی ہو ر فضا کی صاف رکھنے واسطے قدرت اک بہترین نظام رکھیا نا سا۔ زمین نی چھاتی ور کھنڈے نے جنگل ایہہ کم بڑی خوبی نال کرنے سن۔ ہوا بچ ملے ہوئے زہریلے مادیاں کی چوسی کھننے سن، جس نال ہوا صاف ہوئی جانی سی، پر جنگلاں کی کپنے نی وجہ تھیں اسا ہڑے آسے پاسے ناسارا نظام بگڑی گیا۔ ماحول نے بگاڑنی وجہ تھیں ساری فضا گندی ہوئی گئی۔

سانسدان آکھنے ہین جے ہر ملک ناک تہائی حصہ جنگلاں نال ٹھکیا نا ہونا ضروری ہے۔ آج اسا ہڑے ملک نے صرف یاراں فیصد حصے ور ہی جنگل موجود ہین۔ اس وجہ تھیں آج کل موسماں بچ تبدیلی آئی گئی ہے۔ گرے ڈا ہڈی گرمی تہ روڑے نی وجہ تھیں فصل ختم ہوئی گئی تہ گرے سخت سیلاب تبتائی مچائی چھوڑی۔

ترقی بچ فائدے وی ہین، پر نال نال بہوں نقصان وی ہین۔ پر ایسا طریقہ کار کیتا جائے جے ترقی نے نال نال نقصان کھٹ تھیں کھٹ ہووے۔

صنعتی انقلاب نال اساہڑی زندگی نیاں بہت ساریاں تنگیاں کہٹ  
ہوئی گنیاں، پر مُشکلاں نے بچ وی بہوں باہدا ہوئی گیا۔ جنگلاں نے جنگل  
اُجڑی گئے۔ شہراں تہ گراواں نی ہواز ہر بن گئی۔ صاف سُتھرے پانی زہریلے  
ہوئی گئے۔ بیماریاں وباء نی شکل اختیار کری کہندی۔

اُج کل اساہڑے سائنسدان اس طراں نی ٹکنالوجی ورسوچ وچار  
کرنے ہین جس نال ماحول کی بُرے اثرات تھیں بچایا جائے۔ ایہہ کوشش  
وی کیتی جا رہی ہے کہ جیہڑا اساہڑے ماحول وری پہلاں مندا اثر پیا ہو یا ہے  
اُس کی وی ختم کیتا جائے۔

اس طراں کارخانیاں، گڈیاں تہ ہورا نجاناں بچوں نکلنے والے تھویں  
پُر روک لائی گئی ہے، تاں جے اساہڑا ماحول صاف سُتھرہ رہوے نالے بکھ بکھ  
بیماریاں تھیں انسان کی بچایا جانی سکے۔ اس مسئلے ورسارے لوکاں کی وی اک  
خاص نظر رکھنی چاہنی ہے تاں جے حکومت سنگ پرالا کری ماحول کی صاف  
سُتھرہ رکھی سکاں۔

## 1- اوہکھے لفظاں نامطلب:

گہرا	:	ڈوہنگا
کھلری۔ اگے پچھے ہوئی جانا۔ بکھری جانا	:	کھنڈی
سردی ناموسم	:	سیالا
اضافہ	:	بابدا
تباہ۔ برباد	:	تہس نہس
نالہ۔ گسی	:	کٹھا
تریا حصہ۔ تیجا	:	تہائی
بیماری	:	ماندکی
مدد	:	پرالا
زمی کی پانی سنگ تر کرنا	:	سگ

## 2- مندرجہ ذیل سوالاں نے جواب دیو:

- (۱) ماحول کس کی آکھنے ہین؟
- (۲) ماحول نے بگڑنے نال کیہڑیاں بیماریاں لگنیاں ہین؟



- (۳) ماحول کی بچان واسطے آساں کی کہہ کرنا چاہی ناہے؟
- (۴) ماحول کی خراب کرن بچ انسان ناوی ہنتھہ ہے وضاحت کرو؟
- (۵) تیزابی بارشاں کیاں بہرنیاں ہین؟

### 3- خالی جگہاں کی اسے سبق بچوں لفظ ہنی تہ پر کرو:

- (۱) تھوہیں نال ماحول..... ہوناہے۔
- (۲) پچھلی اک صدی تھیں..... بچ بہت باہداہویا۔
- (۳) قدرت نے بنائے ماحول کی آسا..... کری چھوڑیا۔
- (۴) آج کل جنگل..... ہوئی گئے۔
- (۵) آساں ساریاں کی رلی ملی ماحول کی..... رکھنا چاہی ناہے۔





## ترانہ

اَسیں پہاڑی پتر پہاڑاں دے  
اَسیں شوقی نیہہ بزاراں دے  
اَسیں پہاڑاں دے بیچ رہندے ہاں  
اَسیں رَج رَج غلّہ کمیندے ہاں  
اَسیں دُکھ سَکھ بیچ رَل بہندے ہاں  
اَسیں چہوٹھ ذرا نہ کہندے ہاں  
اَسیں شربت خاص اناراں دے  
اَسیں پہاڑی پتر پہاڑاں دے

اَسِيں بسدے اُچياں جاياں  
اَسِيں پالاں منجھياں گائياں  
اَسِيں کھاواں دُدھ ملاياں  
اَسِيں آکھاں سدو سچاڻياں

اَسِيں يار نيہہ فرتے داراں دے  
اَسِيں پہاڻي پتر پہاڻاں دے  
اَسِيں ديس اپنے دے پهرے دار  
اَسِيں رَمِل کر دے سوچ بچار  
اَسِيں دُشمن مار نسيں دے پار  
اِس ديش دا هووے اُچّا وقار  
اَسِيں حامی نيہہ تلواراں دے  
اَسِيں پہاڻي پتر پہاڻاں دے

غلام رباني اعوان

## 1- اوہکھے لفظاں نامطلب:

شوقی : شوق رکھنے والا۔ چاہت رکھنے والا  
غلّہ : اناج۔ مکئی۔ تہائیں۔ کنک وغیرہ  
فرقے دار : انسان کی فرقیان بچ بندھنے والا۔

## 2- مندرجہ ذیل سوالاں نے جواب دیو:

- (۱) ایہہ ترانہ کس لکھا ہے۔
- (۲) پہاڑی لوک گتھے رہنے ہین؟
- (۳) پہاڑی لوک دکھ سکھ بچ کہہ کرنے ہین؟
- (۴) پہاڑی لوک کیہڑے جانور پالنن تہ کہہ کھاننن؟
- (۵) شاعر دیس نے بارے بچ کہہ آکھنا ہے؟

## 3- خالی جاگہاں کو مناسب لفظاں نال پھرو:

تلواراں غلّہ دشمن سچائیاں دُدھ شربت  
(۱) آسین حامی نیہہ..... دے۔

(۲) اَسِیں ..... مارنسیندے پار۔

(۳) اَسِیں آکھاں سدو.....

(۴) اَسِیں رَج رَج ..... کمیندے ہاں۔

(۵) اَسِیں ..... خاص اناراں دے۔

(۶) اَسِیں کھاواں ..... ملائیاں۔

### نوٹ

ترانہ اک ایہجی نظم کی آکھیا جانا ہے جیہڑی کسے خاص مُلک، تنظیم، قوم یا ادارے واسطے لکھی گئی ہووے ہور اُس نے کسے مخصوص تہنیا ڈے اُپر گائی جائے۔ ایہہ نظم مرحوم غلام ربانی اعوان ہوراں جموں و کشمیر پہاڑی کلچرل اینڈ ویلفیر فورم واسطے لکھی آسی تہ اکثر فورم نے سالانہ جلسیاں بچ گائی جانی ہے۔





ہک جنگل بچ ہک پہنگیاڑ رہندا آسا۔ اوہ جنگل بچ نکا شکار کر کے  
 اپنا ٹھیڈ پھر کہندا آسا۔ اسی جنگل بچ ہک خرگوش اپنے پھین پھراواں نال  
 رہندا آسا۔ اوہ خرگوش بڑا خوبصورت آسا۔ اُس دارنگ دُدها نالوں چٹا ہور  
 اکھیاں نپلیاں آسیاں۔ پہنگیاڑے اکو اوہ خرگوش مچ چنگا لگدا آسا۔ پہنگیاڑ  
 جس ویلے اِس کو اپنے پھین پھراواں نال کھیڈ دیاں دکھداتہ مچ خوش ہوندا۔  
 ہک تھیڈے پہنگیاڑے دکھیا کہ خرگوش کہلا بیٹھا داہے ہور دُوے اِس  
 دے سنگی کھیڈ رہے ہین۔ پہنگیاڑ اُسں ادھر ادھر دکھیا ہور چپکے نال اُتھا کچھ  
 کے خرگوش کول بہہ رہیا۔ پہنگیاڑا خرگوش پکڑ کہندا ہور اوہ اُس کو نکلی جینی  
 پہاڑی تے کہن گیا۔ جس ویلے پہنگیاڑا خرگوشا کو کہن کے جُل رہیا آساتہ

اُس دے سنگیاں ہور پہنیں پہراواں سُن دکھ کہندا۔ اوہ سب پہنگیاڑا پچھاں  
 دروڑے۔ خرگوش ڈر رہیا آسا جے پہنگیاڑا اُس کو کھانا چھوڑے۔ پہنگیاڑا  
 خرگوش ہکی جائی بن چھوڑیا۔ رات ہونے والی آسی۔ پہنگیاڑا زمی گھننی شروع  
 کیتی ہور کہڑی کہڑی خرگوشا کو دکھدا کہ اوہ نس نہ گچھے۔ خرگوش پہنگیاڑا کو دکھ  
 کے ڈردا آسا ہور سوچدا آسا کہ ایہہ زمی کیاں گھندا ہے۔ جد پہنگیاڑا زمی گھن  
 کہندی تہ اُس سُن خرگوشا کو اس کھوانچ سٹیا ہور کھوہ مٹی نال پہر چھوڑ لیس۔  
 ایہہ سب کجھ خرگوشا دے پہن پہرا تہ سنگی دکھ رہے آسے ہور ایہہ دکھ  
 کے حیران ہو گئے کہ پہنگیاڑا سُن خرگوشا داسارا جسم دفن کر چھوڑیا، مگر گردن  
 باہر رہن دتی۔ پہنگیاڑا اس کو چھوڑ کے چلا گیا۔ سب دوست دروڑ کے اس کول  
 آئے ہور اس کو کڈھنے دی کوشش کرن لگے۔ اتنے پنج پہنگیاڑا آ گیا ہور اُس کو  
 دکھ کے سب نس گئے۔ پہنگیاڑا خرگوش واسطے گاجر آندی آسی۔ اس سُن خرگوشا  
 کو گاجر کھوالی ہور اُس سُن خرگوشا دی ہر طراں دی خدمت کیتی ہور پہنگیاڑا  
 روزانہ خرگوشا دی خدمت کردا۔ خرگوشا کو ایہہ سمجھ نیہہ آیا کہ پہنگیاڑا روزانہ  
 اُس دی خدمت کیاں کردا ہے ہور نہ ہی اُس اجاں توڑیں مکو کھا ہدا ہے۔

خرگوشادے پہنیں پہراواں ہور سنگیاں اس کو چھوڑا لے دی کوشش کیتی،  
 لیکن کامیاب نیہہ ہوئے۔ کیاں کہ پہنگیاڑ ہر وقت اُس کول رہندا آسا۔  
 ہک تہیاڑے پہنگیاڑ اُسن خرگوشا کو باہر کڈھ کے چھوڑیا ہور خرگوش باہر  
 نکل دیاں ہی اچھلنا کدنا شروع کر چھوڑیا۔ پہنگیاڑ ایہہ دکھ کے خوش ہور ہیا  
 آسا۔ خرگوش ہک دم رُک گیا ہور سوچن لگا۔ فر اُس سُن آکھیا ”پہنگیاڑ پہراوا! مکو  
 اِنج پتہ چلیا کہ تڈھ ماہڑی اتنی خدمت کیاں کیتی؟ کیاں کہ اُس تہیاڑے  
 کھیڈ دیاں ماہڑا پیر زخمی ہو گیا آسا۔ میں تڈھ احسان مند ہاں کہ تڈھاں ماہڑی  
 سچ خدمت کیتی۔ ایہہ احسان ساری زندگی نہ پہنل سکدا۔“  
 پہنگیاڑ آکھیا ”پہراوا ایہہ ماہڑا فرض آسا ہور اَساں سبھاں کو چا سیدا ہے  
 کہ ہکی دُوے دے کم آواں ہور پیار و محبت نال رہواں۔ اسراں انہاں دواں  
 بچ کپی دوستی ہوگی۔“

## 1۔ اوہکھے لفظاں نامطلب:

چنگا : بچھا۔ اچھا کدنا : چھالاں مارنا



## 2- مندرجہ ذیل سوالوں نے جواب دیو:

- (۱) خرگوشا دارنگ کیسا آسا؟
- (۲) پہنگیاڑ خرگوش کو کھیڈ دیاں دکھ کے کہہ محسوس کردا آسا؟
- (۳) پہنگیاڑا خرگوشا کو بیٹھا داد دکھ کے کہہ کیتا؟
- (۴) پہنگیاڑا زمین گھن کے کہہ کیتا؟
- (۵) پہنگیاڑا خرگوش دی روزانہ خدمت کیاں کردا آسا؟

## 3- خالی جگہاں کو مناسب لفظاں نال پھرو:

- (۱) خرگوش بڑا..... آسا۔
- (۲) پہنگیاڑا خرگوش واسطے..... آندا آسا۔
- (۳) پہنگیاڑا روزانہ خرگوشا دی..... آسا۔
- (۴) دوستاں اس کو..... دی کوشش کیتی۔
- (۵) پھراوا ایہہ ماہرا..... ہے۔
- (۶) اسراں انہاں دواں بچ..... ہوگئی۔





## رسول اللہ ﷺ نا اخلاق

حضرت محمد ﷺ نی پوری زندگی تسانا نی سیرت پاک تمام انسانا واسطے بے مثال نمونہ ہے۔ تسانا نی سیرت ناسب تھیں روشن پہلو تسانا نے اچے تہ اعلیٰ اخلاق ہین۔ تسانا نا خلق عظیم سب تھیں زیادہ متاثر کرنا ہے ہور عالم انسانیت واسطے اک درس ہے۔

پکے مخالف ہور دشمن وی تسانا نے پاکیزہ اخلاق نے قائل سن۔ آپ ﷺ نہایت ہی نرم مزاج ہور خوش طبع سن۔ درد مندی بُر دباری، حلم تہ در گذر آپ ﷺ نی خوش اخلاقی نے جو ہر سن۔ آپ نے مزاج بالکل سختی نیہہ سی۔ آپ کدے کوئی اتہیگی گل منہہ بچوں نہ کڈھنے سو جیہڑی دُوے نے دل کی چُجھے۔ آپ ﷺ

زندگی پہر کسے نی عیب گوئی نیہہ کیتی۔ آپ ﷺ کدے کسے بُرے شخص نی بُرائی نیہہ کیتی۔ اگر کوئی گل آپ ﷺ کی چنگی نہ لگے درگزر کر چھوڑنے سن۔

اک واری آپ ﷺ بزار بچوں جارہے سن۔ اک صحابی آپ ﷺ نی خدمت پنج عرض کیتی ”اے اللہ نے رسول! مگی اک مشورہ دیو۔ جے تُو تھوڑی چر واسطے اتھاں کھلوتہ میں بزاروں سودائی کھر رکھی آواں۔“ آپ ﷺ فرمایا ”میں اتھے کھلی تہاں انتظار کر ساں“۔ اوہ صحابی کھر جانی ایہہ پہنلی گیا کہ حضور ﷺ اُس کی اڈیکنے ہین ہور اوہ صحابی تہجے دن واپس آیا۔ اُس نے آپ کی اُتھے ہی کھلتا نا تکیا جتھے چھوڑے گئے نے سن۔ ایہہ ہے رسول ﷺ نی انسانیت ہور اخلاق نا اک ہور اعلیٰ نمونہ۔

اک یہودی نی بیوی آپ ﷺ کی دعوت نا سادا دتا تہ زہر ملایا ہو یا گوشت کھلایا۔ اُس کالسری سُن اپنے جرم نا قراروی کیتا مگر آپ ﷺ معاف کر چھوڑیا۔ اک واری اک بدو حضور ﷺ اگے اپنے قرض نا تقاضا کیتا۔ اُس نے لہجے پنج غصہ سا۔ اک صحابی آکھیانگی پتہ نیہہ جے توں کس ہستی نال گل کر رہیا ہیں۔ اوہ آکھن لگا ”میں تہ اپنا قرض منگنا ہاں“۔ حضور ﷺ ساتھیاں کی فرمایا

جے ”تُساں کی اسی حمایت کرنی چاہی نی ہے کیاں جے ایہہ اس ناحق ہے۔“ فر اُس ناقرض بے باک کیتا، سگوں اسنے حق کولوں کجھ زیادہ رقم وی دتی۔ اک بڈھی نا واقع وی بہوں مشہور ہے، جیہڑی آپ ﷺ پر روڑا پھینکنی سی۔ اک تہیاڑے ایہہ عمل نیہہ ہو یا۔ حضور ﷺ اُتھے کھلی گے تہ پتہ لایا جے کہہ گل ہے۔ پتہ چلیا جے بڈھی بیمار ہے۔ آپ اس نا پتہ کیتا۔ بڈھی آپ نے اس برتاؤ کی تکیا تہ فوراً ایمان لے آئی۔

مختصر ایہہ جے آپ ﷺ نی زندگی ناہر پہلو اعلیٰ تہ عظیم ہے۔ آپ ﷺ نے تمام انساناں کی مثالی اخلاق تہ بے مثل کردار نا عملی درس دتا۔ انہاں نا اخلاق پوری دُنیا واسطے مثلِ راہ ہے۔

## 1- اوکھے لفظاں نا مطلب:

پاکیزہ	:	پاک۔ صاف ستھرا
عالم انسانیت	:	انسانیت نی دُنیا
عیب گوئی	:	کسے نی غیر موجودگی بچ اُسنے عیب پھلورنا۔
درگزر	:	معاف۔ رفع دفع کرنا

صحابی : رسول اللہ ﷺ ناساتھی  
 روڑا : کوڑا کرکٹ - سمرسوت  
 بے مثل : جس نی کوئی مثال یا مقابلہ نہ ہووے

## 2- مندرجہ ذیل سوالاں نے جواب دیو:

- (۱) حضور ﷺ نی سیرت ناسب تھیں روشن پہلو کہہ سی؟
- (۲) حضور ﷺ نے اعلیٰ اخلاق ناکوئی اک واقع بیان کرو۔
- (۳) کوڑا کرکٹ یعنی روڑا اسٹن والی بڈھی نال آپ کہہ سلوک کیتا؟

## 3- ذیل پنج دتے نے واحد نے جمع لکھو:

- (۱) گل .....
- (۲) صحابی .....
- (۳) تون .....
- (۴) چنگی .....
- (۵) بڈھی .....



# چن

آؤ بچو پوڑاں چن  
پوڑی مول نہ چھوڑاں چن  
دہنہہ کولوں اے ڈرنا رہنا  
اشمانے بچ ترنا رہنا  
تہیاڑی لگی چرنا رہنا  
تاں اس راتی لوڑاں چن  
آؤ بچو پوڑاں چن



کہٹنا بدھنا مڑی مڑی تہ  
 تارے تگن جڑی جڑی تہ  
 سٹے لاٹاں اڑی اڑی تہ  
 چن تہرتی پاس کروڑاں  
 چن آؤ بچو پوڑاں  
 سال تہ مہینے دہسنا رہنا  
 وقت آساں تھیں کھسنا رہنا  
 نالے کھڑ کھڑ ہسنا رہنا  
 چن لانا بہوں سروڑاں  
 چن آؤ بچو پوڑاں  
 دُنیا اس نی بنی مرید  
 اس نے کارن کرن خرید  
 کڑوا چوتھ ہووے یا عید

سارے دوڑی لوڑاں چن  
 آؤ بچو پوڑاں چن  
 قُدرت کی ہويا منظور  
 بچ خلاواں جائی ضرور  
 ساہڑے بچے وی ظہور  
 لاسن خوب دہروڑاں چن  
 آؤ بچو پوڑاں چن

شیخ ظہور الدین

## 1- اوہکھے لفظاں نامطلب:

پوڑاں : پکڑا  
 مول : سروں۔ ہرگز  
 اڑی اڑی : نیواں ہوئی  
 سروڑا : خواہش۔ چاہت



کڑواچوتھ : ہندواں ناک تہوار جس دن کالسریاں برتھ رکھنیاں تہ شام  
ویلے فرچن نکلنے نی اڈیک کرنیاں۔ فرچن تکی تہ گجھ کھانیاں پینیاں۔

خلاء : زمین تہ اسمان نے بشکار والا حصہ جس پنچ دینہہ چن تارے  
موجود ہین۔

## 2- مندرجہ ذیل سوالاں نے جواب دیو:

- (۱) چن کیہڑے ویلے نظر آونا ہے؟
- (۲) دینہہ چن تہ تاریاں بچوں کہننا بدھنا کون ہے؟
- (۳) کڑواچوتھ نا برتھ کیہڑے ویلے کھولیا جانا ہے؟
- (۴) آخری بند پنچ شاعر کہہ پیغام دینا ہے؟

## 3- خالی جگہاں کی مناسب لفظاں نال پھرو:

- اشمانے بدھنا لاٹاں کارن خلاواں
- (۱) اس نے..... کرن خرید۔
  - (۲) سٹے..... اڑی اڑی تہ۔

(۳) کہٹنا.....مڑی مڑی تہ۔

(۴) بچ.....جائی ضرور۔

(۵).....بچ ترنا رہنا۔

#### 4۔ اس بند نامطلب لکھو:

سال	تہ	مہینے	دہسنا	رہنا
وقت	آساں	تھیں	کھسنا	رہنا
نالے	کھڑ	کھڑ	ہسنا	رہنا
لانا	بہوں	سر وڑاں	چن	
آؤ	بچو	پوڑاں	چن	





## گاں

قدرت سُن انسان کو پیدا کرنے تھیں پہلاں اُس دی آسائش ہو آ رام  
واسطے باقی کائنات کو پیدا کیتا۔ مثلاً زمین، پہاڑ، جنگلات، سمندر، دریا، ہاتھی،  
اونٹ، کھوڑا، بکری، ہو رگاں وغیرہ۔

جس طراں اسیں کھراں بیچ باقی جانوراں کو پال دے ہاں، اسی طراں  
گانیں کو بھی کھراں بیچ پالیا گیندا ہے۔ اسی واسطے اسیں اس کو پالتو جانور  
آکھدے ہاں۔

گاں نہایت ہی شریف ہو ر پھولا پہالا جانور ہے۔ حلیمی ہو ر شرافت  
اسدی فطرت بیچ گٹ گٹ کے پھری دی ہے۔ باوجود بڑے بڑے ہو ر

ترکے سنگ ہونے دے ایہہ اپنے ہم جنس ہور ساتھی جانوراں کو نیہہ ماردی۔  
 گاں مختلف رنگاں دی ہوندی ہے۔ مثلاً کالی، سفید، نیلی، لال، سانولی  
 ہور برگی۔ اسدا تعلق مختلف نسلاں نال ہے مثلاً دیسی، جرسی، سندھی، ہالستر ہور  
 آسٹریلیا وغیرہ۔

گاں دُنیا دے ہر اُس مُلک ہور علاقے پنج پائی گیندی ہے جتھا  
 چراگاہاں رکھاں ہور نپلے تلے تہ بیلے عام ہوون ہور کہناہ وافر مقدار پنج میسر  
 ہووے۔ مثلاً ہندوستان، چین، آسٹریلیا وغیرہ۔

گائیں کو ہندوستان پنج خصوصاً ہور دُنیا دے باقی مُلکاں پنج بالعموم  
 عزت دی نظر نال دکھیا گیندا ہے۔ تمام مذہباں دے لوک اسدا احترام  
 کردے ہین۔ کیاں کہ اسدا دُدھ تمام دُنیا دے لوک پیندے ہین۔ لیکن  
 ہندو لوک اس کو اپنی گاؤ ماتا آکھدے ہین۔ ساری دُنیا پنج گائیں کو بڑی  
 اہمیت دتی گیندی ہے ہور برصغیر پنج اس دی بڑی قومی اہمیت ہے۔

گاں ہک فائدہ مند جانور ہے۔ اس دا دُدھ مقوی غذا ہے۔ اسدے  
 دُدھ تھیں پیڑدہی، کپے، کلاڑیاں، مکھن، کڑان ہور مختلف قسم دیاں مٹھائیاں

بنائی گیندیاں ہیں۔ اسدا بچھا بڑا ہو کے ہل با ہے دے کم ایندا ہے۔ گائیں  
دے گووے دی بڑی اچھی کھاد بندی ہے۔

## 1- اوہکھے لفظاں نامطلب:

آسائش	:	آرام
پالتو	:	جس کو کھراں بیچ پالیا گچھے
وافر	:	زیادہ
مقوی	:	قوت والی۔ طاقت والی
بچھا	:	گائیں دا بچہ (نر)

## 2- مندرجہ ذیل سوالاں نے جواب دیو:

- (۱) گائیں کس کس رنگ دی ہوندی ہے؟
- (۲) گائیں دے نرنچے کو کہہ آکھدے ہیں؟
- (۳) گائیں دے مادہ نچے کو کہہ آکھدے ہیں؟

(۴) گاں کناں علاقیاں پنج پائی گیندی ہے؟

(۵) گائیں کو پالتو جانور کیاں آکھدے ہین؟

(۶) گائیں دے کہہ کہہ فاندے ہین؟

(۷) گائیں دے دُدها تھیں کہہ کہہ بندا ہے؟

### 3- خالی جگہاں کو مناسب لفظاں نال پھرو:

ہل باہے۔ احترام۔ ہم جنس۔ گٹ گٹ۔ پالیا۔ نسلاں۔ مقوی۔ ساٹھی

(۱) شرافت اسدی فطرت پنج..... کے پھری دی ہے۔

(۲) گائیں کو کھراں پنج بھی..... گیندا ہے۔

(۳) تمام مذہباں دے لوک اسدا..... کردے ہین۔

(۴) اسدا دُده..... غذا ہے۔

(۵) کچھ بڑا ہو کے..... دے کم ایندا ہے۔

(۶) ایہہ اپنے..... ہوور..... جانوراں کو نیہہ ماردی۔

(۷) اسدا تعلق مختلف..... تھیں ہے۔





## سُتھریما

جگر تہ جُسہ پاک صاف آدمی دا ہے نشان  
 وفائی کائنات نیچ بشر دی ہک بڑی پچھان  
 پسند کیتی ہے صفائی بے زبانی چوکھراں  
 نصاب تہ نپاک بندہ چوکھراں تھیں بھی پراں  
 ہمیش صاف آدمی کرے محسوس تازگی  
 غلیظ گندہ بے ضمیر سُست ٹھہلا آلسی

ہے ظاہری صفائیِ اِتھے باعثِ عزت تہ شان  
تہ باطنی نجات دا بڑا ذریعہ اُس جہان  
رِزق نے رخت پاک صاف صاف دل خیال پاک  
رکھیں عظیم عجزا ہمیش بول چال پاک

محمد عظیم خان

## 1- اوہکھے لفظاں نامطلب:

جسہ	:	وجود۔ پنڈا
کائنات	:	دُنیا جہاں
بشر	:	آدمی۔ بندہ
نصاف	:	ناصاف
نپاک	:	ناپاک
باعثِ عزت	:	عزت ناکارن بننا۔ عزت نی وجہ بننا



رخت : ٹوماں۔ زیور

باطنی : جیہڑی ظاہری نہ ہووے۔ جس نال تعلق روح نال ہووے

پراں : اگے۔ گیا گزریا

## 2۔ مندرجہ ذیل سوالاں نے جواب دیو:

(۱) آدمی نی بڑی پچھان کہہ ہے؟

(۲) ناصاف آدمی کیسا ہے؟

(۳) صاف آدمی کسراں محسوس کرنا ہے؟

(۴) آخری شعر پنج شاعر کہہ پیغا مینا ہے؟

## 3۔ لکھو:

(۱) اس نظم تھیں صفائی نے بارے پنج تساں جو سکھیا اُسکی اپنے

لفظاں پنج لکھو۔

(۲) ناصاف آدمی نے بارے پنج چار جملے لکھو۔





## آسڈے موسم

ساری دُنیا بچ اپنے اپنے علاقے تہ وقت دے لحاظ نال مُلکاں تہ علاقیاں دی بکھری سنجان، بکھریاں ضرورتاں تہ بکھریاں لوک روایتاں ہوندیاں ہین۔

ظرفِ زمان یعنی وقت ہر خطے دا اپنا اپنا کئی کئی ہوندا ہے۔ قطبِ شمالی بچ ہک موسم ہوندا ہے تہ قطبِ جنوبی بچ دُوا۔ گرے لوک فصل رارہے ہوندے ہین تہ گرے فصل کٹائی دا موسم ہوندا ہے۔ کسے جائی ہریالی ہی ہریالی نظر ایندی ہے تہ گرے بوٹیاں تہ رُکھاں اُپر ہک پتر نیہہ ہوندا۔ گرے درجہ حرارت صفر ڈگری تھیں بھی کہٹ ہوندا ہے تہ گرے لوک گرمی نال پھج دے ہوندے ہین۔ ایہہ سارا قدرت دا نظام ہے جس اُپر آسدا کوئی بس نیہہ۔

اَسیں جس خلاء بچ رہ رہے ہاں، اس بچ موسماں دی گنتر دویاں علاقیاں  
 دے مقابلے بچ کجھ زیادہ ہوندی ہے۔ مثلاً سال دا پہلا موسم جس کو سارے بہار  
 آکھدے ہین دواں حصیاں بچ بندے گیندی ہے..... پہاندتہ بہار۔ بکرمی سال  
 دے مہینے چیتر دے پہلے پیاں تہیاڑیاں کو عام طور پہاندی آکھدے ہین۔ اس  
 موسم بچ گرمی تھوڑی جی بدھ گیندی ہے، مگر ٹھنڈیاں ہوواں تہ چہنگاں برابر  
 چہلداں رہندیاں ہین۔ کدے کدے ہلکی برف باری بھی ہوندی ہے۔ بوٹیاں  
 اُپر چُجیاں پُھدیاں ہین۔ انہاں چُجیاں بچوں پتر یا پھل نکل آندے ہین۔  
 پھل نکلن دے اس موسم کو پھل کھیلی بھی آکھدے ہین۔ درجہ حرارت بچ باہدا  
 ہون نال ہی ہریالی پوری طراں جوانی اُپر آگیندی ہے تہ اسکو لوک بہار یا برہیا  
 آکھدے ہین۔ لوک فصلاں راہنا شروع کر کہندے ہین۔ گرم پلے لہاڑ کے سرد  
 ہیکرے پلے لینا شروع کر کہندے ہین۔ اسدے بعد گرمی دا موسم آگیندا ہے۔  
 عام طور اُپر اسکو بھی برہیا آکھدے ہین۔ کنڈی تہ پہاڑی علاقیاں دے لوک  
 اپنیاں گائیاں، منجھیاں، پہاروں، بکریاں، کھوڑیاں کو کہن کے گد ریاں گد ریاں  
 کو کہناڑے تے چاء کے تہ چاٹیاں مدانیاں موہنڈیاں تے چاء کے بہکاں تہ

ٹھوکاں داہر ٹردے نظر آندے ہین۔ اس موسم پنج لگو، ہڈ ہڈ، ٹینتھ، کونلاں، گہنگیاں  
تہ کمیریاں، طوطے تہ بلبل رُکھاں تہ جنڈاں پنج مٹھے تہ رسپے گیت گاندے کھتے بتے  
اُڈدے دسدے ہین۔

فر جلدی ہی لیتریاں شروع ہو گیندیاں ہین۔ ہر بکھی ٹھولاں دیاں لکڑاں  
’دکڑے تہ لیتری دے گیت سُنائی دیندے ہین۔ ایہہ موسم ہک مہینے دا ہوندا ہے  
تہ بکرمی سال دے اَسو تہ کتک مہینیاں پنج فصل کٹائی دا موسم شروع ہو گیندا ہے۔  
اس دوران لوک مکئی، تہا نہیں کپدے نظر آندے ہین۔ پہلاں مکئی دی فصل کپے  
جلدی ہے، فر تہا نہیں۔ لوک پشیرا دے چہا مے چاء کے ادھر ادھر پھر دے نظر



آندے ہین۔ ایہہ کھوڑ چہمَن یا ٹگن آ لے ہوندے ہین۔ کھوڑاں کو پہن کے  
 گریاں کڈھے دا کم بھی نال نال چلدا ہے۔ اگے داہر سال دے ناپسندیدہ  
 تہیاڑے آنا شروع ہوگیندے ہین۔ سردی دی شدت بچ باہدا ہوندا جاندا ہے تہ  
 بوٹیاں تے پتر ٹھس ٹھس چہڑنے شروع ہوگیندے ہین۔ اس موسم کو ”پتر  
 چہاڑی“ آکھدے ہین۔ ایہہ موسم سرد دا ہک حصہ ہوندا ہے۔ ٹھنڈیاں ہوواں  
 دے چہکھڑ چہلنے شروع ہوگیندے ہین۔ پہاڑی لوک مکئی چھل کے تہ تہائیں  
 چھم کے کو چھیاں بچ باہندے ہین۔ سیالے واسطے لکڑیاں تہ کہناہ دے ذخیرے  
 کرنا شروع کردے ہین۔ اٹھ دس پوہ تھیں سیالا آ کے بوہا ٹھکورد اہے۔ برفاں  
 پینیاں شروع ہوگیندیاں ہین۔ کورا لگدا ہے تہ کورے دیاں سلاخاں بلیاں نال  
 لڑھکدیاں نظر آندیاں ہین۔ لوک اُتے دے کپڑے لانا شروع کر کہندے  
 ہین۔ دہنی، چہنی دیے تہ موم بتیاں دا استعمال شروع ہوگیندا ہے۔ سکولاں کو  
 چھٹیاں ہوگیندیاں ہین۔ ایہہ جان لیوا موسم کئی جان لیوا بیماریاں کو کہن کے آندا  
 ہے۔ راتاں لمیاں ہنیریاں تہ ٹھنڈیاں ہوندیاں ہین۔ ایہہ ہک آزمائشی دور ہوندا  
 ہے۔ شاعراں تہ جمالیاتی حُسن رکھن والیاں کو ایہہ موسم بڑا پیارا تہ سوہنا لگدا

ہے۔ بچے جمی دی برفو اُپر لینیاں سڈے ہین۔ سیٹیاں بجاندیاں شوڑیاں پچھا  
دوڑدے نظر آندے ہین۔

کہراں بچ سکے ساگ پکنے شروع ہوگیندے ہین۔ پھڑیاں پھنڈیاں تہ  
کھپڑے بُنھنے داکم شروع ہوگیندا ہے تہ اسدے بعد ہی نال نال چیترا دی کچی  
بہار فرآ کے بوہاٹھکور دی ہے تہ اسطراں پورا سال مکمل ہوگیندا ہے۔

## 1۔ اوہکھے لفظاں نامطلب:

قطبِ شمالی	:	زمین نا شمالی سرا
قطبِ جنوبی	:	زمین نا جنوبی سرا
سَنجان	:	جان پہچان۔ واقفیت
چُجیاں	:	مَسّاں مَسّاں نکلنے والے پتر
ہیگرے	:	ہک تہہ والے۔ یعنی پاچھے (ٹھنڈے) کپڑے
جان لیوا	:	جان کڈھن والا۔ مُشکل پیدا کرن والا۔ اوہکھا

پشیرا : ہک جنگلی بوٹا  
 پھڑی : پرالی دی بنائی دی چٹائی  
 پھنڈی : پھڑی دی ہی اک قسم  
 کھپڑا : پرالی نال بنائی گئی اک گول جیئی چیز جس اُپر پٹھیا جانا ہے

## 2- مندرجہ ذیل سوالاں نے جواب دیو:

- (۱) دُنیا بچ علاقے تہ وقت دے لحاظ نال کہہ بکھرا ہونا ہے؟
- (۲) قطبِ شمالی تہ قطبِ جنوبی کہہ ہونے ہین؟
- (۳) اپنے علاقے نے کجھاں موسماں نے ناں لکھو؟
- (۴) لیتریاں کس مہینے بچ لگنیاں ہین؟
- (۶) جدوں پتر ٹہینے ہین، اُس موسم کی کہہ آ کھنے ہین؟

## 3- تھلے درج لفظاں کی جملیاں بچ برتو؟

سَنجان - موسم - پہاند - درجہ حرارت - پشیرا - کھپڑا

## غور کرن نیاں گلاں:

- (۱) بکھرے بکھرے مُلکاں بچ بکھرے بکھرے موسم ہونے ہین۔
- (۲) موسماں نے پھیر پرت انسانی زندگی واسطے بہوں ضروری ہین؛ کیاں بے موسماں نیاں تبدیلیاں نال ہی زمین نے اندر پیداواری صلاحیت بچ باہدا ہونا ہے تہ جنگل ہرے پھرے رہنے ہین۔ نویں پودے جمنے ہین۔ فصلاں واسطے زمین نے اندر ذرخیزی آئی جانی ہے۔
- (۳) برفاں تہ بارشاں نال پانی نے ذخیرے پھر پور ہونے ہین تہ فر ایہہ پانی اَساں نے پینے نہانے تھونے تہ زمی باڑی نے کم اچھنا ہے۔







## یاد وطن دی

فر یاد وطن دی ایندی ہے  
جیہڑی تیر کلجے لیندی ہے  
جتھا رمل سارے بہندے ساں  
مل دکھ سکھ سارے سہندے ساں  
سدو رہت اوہی ترفیندی ہے  
فر یاد وطن دی ایندی ہے

جِتھا ٹھنڈے مٹھے پانی سن  
جِتھا شکروں مٹھے ہانی سن  
اوہی پرہت مچ ستیدی ہے  
فر یاد وطن دی ایندی ہے  
اُتھے خونی سارے رشتے ہین  
بند اکھیاں سارے دسدے ہین  
جِتھے اماں سینے لیندی ہے  
فر یاد وطن دی ایندی ہے

محمد ایوب نعیم

## 1- اوہکھے لفظاں نامطلب:

اِندی	:	آنی۔ اچھنی۔ آونی
لیندی	:	لانی
رہت	:	رسم۔ طریقہ
ستیندی	:	ستانی

## 2- مندرجہ ذیل سوالاں نے جواب دیو:

- (۱) شاعر کو کس چیز دی یاد آندی ہے؟
- (۲) وطن بچ لوک کسراں رہندے ہین؟
- (۳) وطن دے ہانی تہ پانی کیسا آسا؟

## 3- اس بند دا مطلب لکھو:

اُتھے خونی سارے رشتے ہین  
بند اکھیاں سارے دسدے ہین  
جتھے اماں سینے لیندی ہے  
فر یاد وطن دی ایندی ہے

4- اس نظم کی زبانی یاد کرو:

5- غور کرن دیاں گلاں:

☆..... وطن دی خوبی ایہہ ہے کہ لوک اُتھے آپسی پیار تہ محبت نال

رہندے ہین۔ ہک دُوے نال دُکھ سکھ بند دے ہین۔ اُتھے

ٹھنڈے مٹھے پانی دے چوے خوب ہین۔

☆..... آپسی میل ملاپ تہ پیار محبت قائم رکھنے واسطے آساں کی کہہ

کرنا چاہیے؟





## قربانی ناجذبہ

عدنان اک بہوں امیر تاجر سی۔ اللہ پاک اُس کی سب کچھ دتا مگر بے  
 چارے نی اولاد نیہہ سی۔ بہت علاج کروائے۔ پیراں فقیراں تہ سیانیاں کول گیا۔  
 تعویز تہنا گہ کیتا مگر اُس نی بیوی شیبانی چھو لی نیہہ پھرن ہوئی۔  
 وقت کافی گزر گیا۔ دوستاں یاراں عدنان کی مشورے دتے۔ کسے آکھیا  
 دووی شادی کر۔ کسے آکھیا کوئی بچہ گود لئی لے۔ کسے آکھیا ڈاکٹری علاج کروا۔ مگر  
 شیبیا انتظار کرن تو کاہلی سی۔ جلدی وچ ایہی فیصلہ ہوئی سلکنا سا کہ شیبیا کوئی بچہ گود  
 لے۔ بچارے ایہو کیتا۔ گڈی ناہک حادثہ ہویا۔ ایک جوڑا حادثے وچ مری  
 گیا۔ انہاں نا ایک سال ناں بچہ سا۔ جیہڑا شیبانی چھو لی وچ آیا۔ بچے نا ناں

”زین“ رکھیا۔ عدنان تہ شیبہ اس طراں خوشی کیتی جس طراں انہاں نی زندگی بچ بہار آئی نی ہوئے۔ شیبہ وی زین اُپر جان دینی۔ کدے پیار دینی کدھے کپڑے بدلانی، کدے ہتھ پیر تہوانی۔ کدے منہ چمینی۔

زین کی پڑھائی وچ لائی چھوڑیا۔ گویا اٹھویں پچی گیا۔ اک دن شیبہ نی صحت خراب ہوئی گئی۔ ڈاکڑاں غور نال تکیا۔ آخر اک سیانے ڈاکڑاں آکھیا شیبہ ماں بن والی ہے۔ ایہہ گل سنی تہ شیبہ محسوس کیتا کہ قدرت ماہڑے واسطے دُنیا نے سارے خزانے کھولی چھوڑے۔ اس بچ شک نیہہ کہ زین نی صورت بچ انہاں کول اک بچہ پہلے سا۔ مگر اپنا بچہ اپنا ہی ہونا ہے کسے کہ خوب آکھیا ”پتر اپنے پیٹ ناسٹا اپنے کھیت نا“۔ قدرت ہک توں بعد دو جادو پتر دتے۔ جس نا نتیجہ اے ہو یا زین بیچارے نی طرف تہیان کھٹ ہوئی گیا۔ زین کدے کدے پریشان ہون لگا کہ اسنی وجہ کہہ ہوئی سکنی ہے۔ زین شیبہ نے پیار تھیں محروم ہو گیا۔ عدنان کول تہ اتنا وقت ہی نیہہ سا کہ زین نال پیار کرے۔ زین ہن کالج توڑیں پہنچ گیا سی۔ مگر اک دن اُس کی پتہ چل گیا کہ اوہ عدنان ہور شیبہ نا اصلی بچہ نیہہ، بلکہ انہاں صرف اسکی پالیا ہے۔ زین آخر ایم اے کرن توں بعد بغیر دن

توں کہروں نکل گیا۔ زین قابل، باشعور سا۔ اک فیکٹری بیچ ملازم ہوئی گیا ہور  
 اک وقت آیا فیکٹری نا میجر بن گیا۔ اُدھر دس سال گزری گئے۔ عدنان بیمار  
 ہو گیا۔ عدنان نے حقیقی بچے اچھے ہور وفادار ثابت نہ ہوئے۔ عدنان جس وقت  
 ڈاکٹر کول گیا۔ اس کی ایہہ خبر لہی کہ اوہ گردے نی بیماری بیچ پھس گیا ہے۔ اس  
 نے بچن نی اک صورت ہے کہ اک گردہ اس کی نواں پایا جاوے۔ تدوں ہی اس  
 نی زندگی ممکن ہے۔ انہاں ایہہ خبر اخبار بیچ چھپوائی کہ کوئی شخص اپنا اک گردہ دیتی  
 کے عدنان نی جان بچائی چھوڑے۔ جدوں اخبار بیچ ایہہ خبر زین پڑھی اس کی  
 خیال آیا ایہہ اوہی عدنان ہے جس مگو بچہ سمجھ کے پالیا۔ مگو اس نے کم آنا  
 چاہیدا۔

دوڑے تھیڑے زین عدنان تہ شیبانے سامنے موجود آسیا۔ اسنے گل مل  
 کے عدنان ہور شیبانہ بہت روئے۔ اس کی اس چیز نا احساس آسیا کہ جدوں مگو پالن  
 والا کوئی نہ آسیا انہاں ہی مگو بچہ سوچ کے پالیا، میں اپنا ہک گردہ اپنے پیو عدنان کی  
 دتا۔ اس طراں اُس نی جان بچائی لئی۔ زین نے گردہ دین تھوں پہلاں عدنان  
 نے بچن نے کوئے حالات نیہ سن۔

ٹھیک ہُن توں بعد زین دوواں کی اپنے کہر لے گیا۔ زین نی بیوی وی  
 بڑی نیک گڑی آسی۔ اپنے کہر اپنی سوسر جیے کی دیکھ کے بہوں خوش ہوئی۔  
 زین اپنے چھوٹے پہراواں کی وی رستے اوپر لایا جیہڑے خراب ہوئی گئے سن۔  
 اپنی فیکٹری بچ چنگیا عہدیاں پر ملازم کرائے۔ اس طرح سارے سوہنی تہ خوشحال  
 زندگی گزارن لگے۔

## 1۔ اوہکھے لفظاں نامطلب:

گود	:	چھولی
بہار آئی	:	خوشی ہوئی
سیانا	:	عقل مند
سٹا	:	گھم
پیو	:	باپ
سس	:	زنانی نی ماء



## 2۔ مندرجہ ذیل سوالاں نے جواب دیو:

- (۱) عدنان تہ شپا بچہ کیاں چھو لی لیا؟
- (۲) چھو لی لے بچے ناناں دسو۔
- (۳) اس کہانی بچ بھوں رول کس نا ہے؟
- (۴) زین کھر کیاں چھوڑیا۔
- (۵) زین کی چھوڑی عدنان نے کتنے بچے سن؟
- (۶) عدنان ناں علاج کس طراں ہو یا؟
- (۷) اس کہانی توں تساں کے سبق ہندا؟

## 3۔ خالی جگہاں کی پھرو:

- (۱) عدنان تہ شپا اس طراں خوش سن جس طراں انہاں نی زندگی بچ  
..... آلی گئی۔
- (۲) عدنان جیہڑا بچہ گو دلیا اس ناناں ..... رکھیا۔
- (۳) زین ..... نی ڈگری حاصل کیتی۔

(۴) عدنان کی گردہ..... دتا۔

(۵) شیپانی توجہ اپنے..... بچیاں ور ہو گئی۔

4۔ مندرجہ ذیل لفظوں کی ضد لکھو:

س: \_\_\_\_\_

امیر: \_\_\_\_\_

تہیاز: \_\_\_\_\_

5۔ ”پتر اپنے پیٹ ناسٹا اپنے کھیت نا“ اک محاورہ ہے۔ اپنے آس پاس

نے ماحول نیچ بولے جان والے نیچ محاورے لکھو۔





## پنچاپت

ہر بندہ اپنے اپنے حساب نال اپنے کھڑ کی صاف ستھرا رکھنے نی کوشش کرنا ہے۔ اپنے کھڑ والیاں نی صحت و سلامتی ہو رہا باقی ضرورتاں کی پورا کرنے جتن وی کرنا رہنا ہے۔ ورا نہاں ساریاں ضرورتاں کی کوئی کہلا بندہ پورا نہہ کری سکنا۔ اس واسطے اُس کی اپنے کنبے والیاں تہ دُوئے لوکاں نی مددنی لوڑ ہونی ہے۔ اِسرائاں اپنے محلے نے سُدھار واسطے محلے داراں نی، گراں یا شہر نے سُدھار واسطے اُتھوں نے بسکیناں نی ساخھی ہتھ بٹائی نی لوڑ ہونی ہے۔ سماجی پہلائی بہتری تہ ترقیاتی تہ سماجی کماں واسطے بڑی سطح اُپر ساخھی کوشش نی لوڑ ہونی ہے تہ اس واسطے، کمیٹیاں، سوسائٹیاں وغیرہ تشکیل دینے نی لوڑ ہونی ہے۔

گراں، دیہاتاں پنج ترقیاتی کماں کی چلانے تہ قانون تہ باقی نظم و نسق بحال رکھنے واسطے پنچایتاں بنائیاں جانیاں ہین۔ اس اندر گراں والے اپنے نمائندے چئی تہ پہنچنے ہین تہ بعد پنج ایہی پنچایت گراں نے ترقی باہدے نے کماں نی ذمہ داری ہونی اے۔ اس نے نال ہی گراں والیاں نے وقت تہ پیسے نی بُر بادی کی بچانے واسطے ہر قسم نے معاملیاں ناسدھار کرنے ہور لڑائی، چھگڑے مٹانے نی ذمہ داری وی گراں نی اسے پنچایت نے سپرد ہونی ہے۔ اسطراں گراں نے لوکاں نا پیسہ وی بچنا ہے تہ وقت وی زیادہ بر باد نیہہ ہونا ہور سارے معاملے اپنے ہی گراں پنج سلجھائی دتے جانے ہین۔ تہ اسراں پنچایت پنڈاں گراں نے مسئلیاں نا نبیڑا کری لوکاں نی پہلائی بہتری نیاں سکیمیاں بنائی تہ انہاں کی توڑ وی چاہڑنی ہے۔ پنچایت نی مالی ضرورت کی سرکاری خزانے تھیں پورا کیتا جانا ہے۔ یا اوہ گراواں پنج لگنے والیاں میلیاں یا گراں پنج ہونے والی پنج بٹا اُپر ٹیکس لائی تہ وی پیسہ اکھٹھا کیتا جانا ہے۔ پنچایت پہاویں جے سرکاری ادارہ نیہہ ہونا وراس نا سارا کم کاج سرکاری مدد نال ہی اگے بدھنا ہے۔

پنچایت گراواں نے اندر راہی باہی واخ دی خاص تھیان دینی ہے تاں  
 جے زرعی پیداوار کی بدھائی تہ لوکاں نی آمدن بدھائی جاسکے۔ تمام ضلعی ترقیاتی  
 سکیموں کی گراواں پنڈاں بیچ لاگو کرنے نی ذمہ داری وی پنچایت نی ہونی ہے۔  
 تہ پنچایت ہی لوکاں نی ترقی نی سطح اُپر آنے واسطے جتن کرنی ہے۔

پنچایت لوکاں بیچ ہر قسم نی بیداری پیدا کرنی ذمہ دار ہونی ہے، اوہ  
 پہاویں صحت نے متعلق ہووے یا زندگی نے دوے شعبیاں نے متعلق۔ آج کل  
 پنچایتاں نے اندر اخباراں ریڈیو تہ انٹرنیٹ جیاں سہولیات وی دستیاب رکھیاں  
 جانیاں ہین تاں جے فرصت نیاں کھڑیاں بیچ لوک پنچایت اندر آئی انہاں  
 سہولیتاں نافائدہ چائی سکن۔ پنچایتاں گراواں بچوں ہر قسم نی برائی ناخاتمہ کرن  
 واسطے پہر پور کوشش کرنیاں ہین۔

پنچایت نی دفتری کاروائی تہ مٹینگاں نے بارے چٹھیاں پتر لکھنے ناکم  
 گرام سیوک کرنا ہے۔ مگر اس نے باوجود گرام سیوک ناجیہڑا اک سرکاری ملازم  
 ہونا ہے پنچایت نیاں کماں بیچ کوئی عمل دخل نیہہ ہونا۔ اسراں پنچایت گراواں نی  
 چو مکھی ترقی نی ضامن ہونی ہے۔

## 1- اوہکھے لفظاں نامطلب:

- جتن : کوشش۔ جُہدی  
ہتھ بٹائی : مدد۔ مل جُل کے کم کرنا  
سوسائٹیاں : عام لوکاں ناملی جُلّی کوئی ادارہ بنانا جیہڑ اعموام نی  
ترقی باہدے نام کرے۔  
انٹرنیٹ : اک بے تار برقی سلسلہ جس نے تحت اک بندہ  
پوری دُنیا نام رابطہ رکھ سکنا ہے۔

## 2- مندرجہ ذیل سوالاں نے جواب دیو:

- (۱) گراواں پنڈاں نی ترقی باہدے نام کاج کیہڑ ادارہ کرنا ہے؟  
(۲) پنچایت نی آمدن نے کیہڑے کیہڑے ذرائع ہین؟  
(۳) گراں نے لوکاں واسطے پنچایتی عدالت کسراں فائدہ مند ہونی ہے؟  
(۴) گرام سیوک پنچایت نام کے کم کرنا ہے؟

### 3- خالی جگہاں کی پہرو:

- (۱) ہر بندہ اپنے اپنے حساب نال اپنے کہر کی ..... رکھنے نی کوش شکرنا ہے۔ (گندہ/صاف سُتھرا)
- (۲) اُتھوں نے بسنیکاں نی ساخھی ..... نی لوڑ ہے۔ (کوشش، ہتھ بٹائی)
- (۳) اس نے اندر گراں والے اپنے ..... چتی تہ پہنچنے ہن۔ (لیڈر/نمائندے)
- (۴) پنچایت نی مالی ضرورتاں کی ..... تھیں پورا کیتا جانا ہے۔ (بینک/سرکاری خزانے)
- (۵) پنچایت لوکاں بچ ہر قسم نی ..... پیدا کرن نی ذمہ دار ہونی ہے۔ (ہمت/بیداری)
- (۶) چٹھیاں پتر لکھنے نام ..... کرنا ہے۔ (بی، ڈی، او/گرام سیوک)
- (۷) پنچایت گراواں نی ..... ترقی نی ضامن ہے۔ (پہر پورا/چوٹھی)

## اُستاداں واسطے:

اُستاداں واسطے لازم ہے جے اوہ بچیاں کی پنچایت نے ذریعے ہون والے کم کاج نی مکمل جا زکاری فراہم کرن ہوئی سکے تہ پنچایت کھر تکر طالب علماں کی کھڑیا جائے تہ عملاً کجھ گلاں سمجھائیاں جان۔







## گُڑیاں نی تعلیم

مشہور مقولہ ہے ”مردنی تعلیم فرد واحدنی تعلیم ہے، جد کہ گُڑی نے تعلیم ہک کنبے نی تعلیم ہے۔“ ”گُڑی بچاؤ گُڑی پڑھاؤ“ ایہہ نعرہ اج سارے دیش بچ لگ رہیا ہے۔ اس بچ کوئی شک نیہہ کہ گُڑی نی تعلیم بغیر اس اہڑا سماج تہ دیش نامکمل ہے۔ مُنڈا ہک کُہر نا چراغ ہونا ہے جد کہ گُڑی دو کُہر نی روشنی ہونی ہے۔ ہک وقت آسا جد گُڑی نی پیدائش منحوس سمجھی جانی سی۔ دُنیا بچ گُجھ جگہاں تہ گُڑی کی جمنیاں ہی ماری دتا جانا سی۔ لیکن محمد ﷺ نے ایہہ تعلیم دتی کہ

بچیاں اللہ کی رحمت ہیں۔ انہاں کی مارنا گناہ کبیرہ ہے۔ انہاں اپنی بیٹی حضرت فاطمہؑ کی اخلاقی تعلیم دتی۔ جنہاں نے بطن بچوں امام حسنؑ اور امام حسینؑ جیسے باشعور بچے پیدا ہوئے۔ ماں تعلیم یافتہ ہوئے بچیاں نے اخلاق بچ نکھار آنا قدرتی گل ہے۔

ہک تحقیق نے مطابق دنیا بچ جنیاں وی نامور ہستیاں ہویاں ہیں انہاں نیاں ماواں قدر پڑھیاں لکھیاں سن۔ اصل بچ ہک بچے نی پہلی درس گاہ ماء نی چہول ہے۔ جس وقت بچہ ماء نی چہول بچ ہونا ہے ایہہ ہو وقت ہونا ہے۔ جد اس کول نویں لفظ سکھن نی قوت زیادہ ہونی ہے۔ اس طراں بچہ شروع شروع بچ ہی اچھے لفظ سکھنا ہے۔

گڑیاں زندگی نے کسے میدان بچ مرداں تھیں کھٹ نیہہ۔ ترکی نی صبیحہ خانم پائلٹ بنی۔ کلپنا چاولہ ہوانی بلندیاں بچ اڈی۔ رقیہ سلطانہ ہندوستان جئے بڑے ملک نی رہبر بنی۔ محترمہ اندرا گاندھی بھارت نی وزیر اعظم بنی۔ اسطراں نیاں متیاں ہو روی مثالاں موجود ہیں۔ گڑی کی بچانا ہو پڑھانا دوئے کم اسماں اُپ فرض ہیں اسماں کی اس فریضے کی سمجھنا چائیے۔ اگر ارج وی گڑیاں کی تعلیم نہ

دتی جاوے اس نامطلب اساہڑاسماج نی ترقی نادمئن ہے۔ کوئی وی سماج گڑی نی  
 تعلیم توں بغیر ترقی نیہہ کر سکنا۔ گڑی نی تعلیم دورِ حاضر بیج بہت ضروری ہے۔ گڑی  
 کی تعلیم نہ دینا نا انصافی ہی نیہہ بلکہ انسانیت ناقتل ہے۔ آواسیں مل کے عہد  
 کرنے ہاں کہ اسیں ”گڑی بچاؤ“ گڑی پڑھاؤ“ مشن کی کامیاب کرساں۔  
 اسطراں ہک بہترین سماج وجود بیج آسی گا۔

## 1۔ اوہکھے لفظاں نامطلب:

نامکمل	:	اڈھ کرڈھا
منحوس	:	برا
تحقیق	:	کھوج
کہٹ	:	کم

## 2۔ مندرجہ ذیل سوالاں نے جواب دیو:

(1) گڑی کی پڑھانا کیساں ضروری ہے؟

(۲) اساہڑے ملک نی خاتون وزیر اعظم کون آسی؟

(۳) گڑی بچاؤ گڑی پڑھاؤنا کے مطلب ہے؟

### 3- خالی جگہاں کی پہرو:

(۱) گڑیاں واسطے تعلیم..... ہے۔


(۲) اساہڑے ملک نی جیہڑی گڑی خلاء بچ گئی اُس نا..... ہے۔

(۳) کسے وی سماج نی ترقی..... نی تعلیم نے بغیر نیہہ ہو سکئی۔

(۴) گڑیاں کی پیدائش نے وقت مارنا..... ہے۔

(۵) گڑیاں اللہ نی..... ہین۔





## پیرگلی: ہک صحت افزاء مقام

جموں و کشمیر اپنے قدرتی حُسن نی وجہ نال دُنیا پھر نیچ مشہور ہے۔ خاص کر وادی کشمیر نی تہ کوئی مثالِ ملنی مُشکل ہے۔ مغل بادشاہ جہانگیر نے آکھیا سی اگر کوئی دُنیا اُپر جنت ہے تو اوہ کشمیر ہے۔ جموں تہ کشمیر کی ہک ہائی وے روڈ ملار پٹی ہے۔ لیکن پونچھ راجوری والے لوکاں واسطے ایہہ رستہ قدر دور سا۔ پونچھ راجوری کی وادی کشمیر نال ملان والی روڈ ناناں مغل روڈ ہے اسے روڈ نے درمیان نیچ ایک بلند ترین مقام ہے جس کی پیرگلی آکھیا جانا ہے۔

اس نی وجہ تسمیہ ایہہ دہسی جانی ہے کہ بہت عرصہ پہلاں اس مقام ورا یک روحانی بزرگ حضرت شیخ احمد کریم بیٹھے سن۔ ایک عرصہ تھیں ایہہ دستور آ رہیا ہے کہ اس جگہ مسافراں کی نمکین چاء ضرور ملنی ہے۔ اس جگہ نے گردنواں نیچ ڈھوکاں

ہیں جتھے مال مویشی سیکڑیاں نی تعداد بچ پل رہے ہین۔ ایہہ مال مویشی اتھے صرف برہیانے موسم بچ ہی چر سکئے ہین کیاں بے سیالے بچ اے علاقہ برف نی سفید چادر نے تھلے ہونا ہے ہور ٹھنڈا پنے کمال اُپر ہونی ہے۔

لیکن برہیانے موسم بچ پیرگلی نی فضا تگن نے قابل ہونی ہے۔ پونچھ راجوری تہ کشمیر تھیں بہت سیاح اس مقام اُپر اکھٹھے ہونے ہین۔ بزرگ قدرتی حُسن تھوں لطف اندوز ہونے بچے کھیڈ نے ہور نو جوان وی گپ شپ لائین۔ گویا ہر طرف ایک چہل پہل ہونی ہے۔

پیرنی گلی اوہ مقام ہے جتھے پونچھ راجوری ہور کشمیر والیاں کی اک دُوے نا کلچر، تہذیب تہ فکر سمجھن ناموقع ملنا ہے۔ اس اُچے تہ سوہنے مقام اُپر بیٹھ کے دوہاں طرفاں نے لوک تبادلہ خیال نے نال نال اپنے تجارت تہ کاروبار کی باہدا دین ناوی موقع ملنا ہے۔

پیرگلی بچ کھڑے ہو کے جیہڑا حصہ کشمیر نی طرف ہے اک نظر مارو دور دور تکر نیلے تلے بچ ہر قسم نے جانور چرنے نظر آنے ہین۔ جانوراں نی موج مستی ہور محبت تنکنے لائق ہونی ہے۔ اس علاقے بچ بڑی تعداد بچ پائے جانے والے جنگلی جانوراں بچ ہے شیر سینہہ، رچھ، مارخور، جنگلی بکری، جنگلی گاں وغیرہ شامل ہین۔



پیرنی گلی نے آساں پاساں بیچ بہوں چنگیاں تہ سوہنیاں ٹھوکاں موجود  
ہین۔ جتھے لوکاں برہیا واسطے اپنی گنجائش نے مطابق ٹہارے وی بنائے ہین۔  
انہاں ٹھوکاں بیچ رنگ برنگے پھل ہک دل کش منظر پیش کرنین۔ جو شخص وی  
اک بار پیرنی گلی گیا اس بار بار ایہہ خواہش کیتی کہ اوہ بار بار پیرنی گلی جاوے۔  
تمام نشیبی علاقے نے لوک گرمی تھوں تنگ آئی پیر گلی نی ٹھنڈی تہ تازہ ہوا  
خاطر ہر برہیا اتھے ضرور اچھننن۔ پیر گلی مغل روڈ اُپر سب تھوں اُچی جگہ ہے  
جیہڑی سطح سمندر تھیں 11,500 فٹ اُچی ہے۔ اس بیچ کوئی شک نہیہ کہ پیر گلی  
ہک صحت افزا مقام ہے۔

## 1۔ اوہکھے لفظاں نامطلب:


بلند ترین	:	سب توں اُچی
مارخور	:	اک جانور ناناں (بکرے نی طراں ہونا)
مسافر	:	سفر کرنے والا
چہل پہل	:	رونق
نشیبی	:	مندھرا علاقہ۔ اوہ زمین پہاڑاں ناپانی لگی جانا
لطف	:	مزرہ

## 2- مندرجہ ذیل سوالوں نے جواب دیو:

- (۱) پیرنی گلی کس مقام پر ہے؟
- (۲) اس جگہ کی پیرگلی کیوں آکھیا جانا ہے؟
- (۳) سردی نے موسم بچ لوک پیرگلی کیاں نیہہ جانے؟
- (۴) اتھے لوک مال مویشی کیاں آنے ہین۔

## 3- خالی جگہاں کی پھرو:

- (۱) مُغل روڈ بچ ہک گلی ہے جس ناناں..... گلی ہے۔
- (۲) پیرگلی نہایت ہی..... تھاں ہے۔
- (۳) سردی نے موسم بچ اتھے..... ہونی ہے۔
- (۴) لوگ پیرگلی..... واسطے اچھنن۔
- (۵) جس روحانی شخص نے ناں اُپر پیرگلی مشہور ہے انہاں نا اصلی ناں..... ہے۔







## کوئل

گو گو گو کوئل بولی  
کال کلوٹی کالی کالی  
منہ نہیارا ڈاہلی ڈاہلی  
وازاں مارے اٹھو سارے  
رَب نا ناں پکارو سارے  
پہلا تہاڑا رَب کرسی گا  
اَس نا شکر گزارو سارے  
گو گو گو کوئل بولی

رنگ کالا یا کم نیہہ کالا  
دل چٹا یا ہتھ نیہہ مالا  
سارے کم دلاں نے پہنائیو  
نال دلاں نے رکھو پالا  
گو گو گو کوئل بولی  
منہہ نہیارے ڈاہلی ڈاہلی

انتیاز نسیم ہاشمی

## 1- اوبکھے لفظاں نامطلب:

کال کلوٹی : سروں کالی  
منہہ نہیارا : بہوں سویرے، نکلی لوئی  
مالا : تسبیح

## 2- مندرجہ ذیل سوالوں نے جواب دیو:

- (۱) کوئل کسراں بولنی ہے؟
- (۲) کوئل کے آکھنی ہے؟
- (۳) رنگ نے بارے بیچ کوئل نا کہہ تاثر ہے؟
- (۴) کوئل کے آکھنی ہے جے کس نال پالار کھو؟

## 3- اس نظم کی زبانی یاد کرو:

## 4- کم نییاں گلاں:

اساں نے علاقیاں بیچ بے شمار چڑیاں پکھیروں ہونے ہین جنہاں بچوں کوئل وی اک ہے۔ اُستاد بچیاں کی انہاں پکھیرواں نی فہرست تیار کرن بیچ مدد کرن۔ تہ سمجھاون جے چڑیاں پکھیروں ماحول واسطے کسراں مددگار ہونے ہین تہ اساں نے معاشرے بیچ ایہہ کسراں فائدہ مند ثابت ہونے ہین۔ بچیاں کی دہسیا جائے کہ شکاری پکھیروں کیہڑے ہین تہ اوہ کس نا شکار کرنین۔



## جابر بن حیان

نویں صدی بچ ۸۱۸ء دے آس پاس کونے بچ ہک عطار ر ہندا آسا۔ اُسدا ناں حیان آسا۔ بڑی مشکل نال گزر بسر ہوندی آسی۔ اُس دے کھر بچ ہک بچہ پیدا ہو یا جس دانان جابر رکھیا گیا۔ جابر ہجاں نکا جنیا آسا کہ پیو داسا یہ سراتوں اٹھ گیا۔ ہُن جابر دی تعلیم داسا راپہنار اُس دی غریب ماؤ تا آ گیا۔ ماؤ سُن جابر کو کونے توں باہر گراں بچ اپنے رشتہ داراں کول پہنچ چھوڑیا۔ اس طراں جابر سُن اپنا بچپن دیہات دی آزاد فضا بچ گزاریا۔ گراں بچ اس کو معمولی تعلیم حاصل ہوئی۔ مگر تلاش تہ جستجو دامادہ اس بچ گٹ گٹ کا پھر یا دا آسا۔ کجھ سال گراں بچ گزارنے دے بعد جابر واپس کونے آیا۔ انہاں دناں کونے بچ بڑا ہچھا علمی ماحول آسا۔ جابر کو مزید تعلیم حاصل کرنے دا شوق پیدا ہو یا۔ چنانچہ اُس مدرسے بچ داخلہ کھندا

ہور مزید تعلیم حاصل کیتی۔ ہُن جابر جوان ہو گیا ہور اس کو ماؤ دی غربی ہور مصیبت برداشت نہ ہوئی۔ چنانچہ دولت کماے واسطے اس تے سونا بنانے دا جنون سوار ہو گیا۔ اُس سُن مختلف دوائیاں ہور جڑی بوٹیاں دی خاصیتاں جاننے دی کوشش شروع کیتی۔ نال ہی قسم قسم دیاں دھاتاں کہن کا انہاں کورنگ برنگی جڑی بوٹیاں نال ملا کا ہک قسم دی بھٹی بچ کا ہرنا شروع کیتا۔ اس دے کھرا بچ قسم قسم دی جڑی بوٹیاں، مختلف قسم دیاں دھاتاں، بکھریاں بکھریاں شکلاں دے پہناڈے آسے۔ اوہ کیمیا گری دے نویں نویں تجربے کردار ہیا۔ کیمیا گری دے انہاں تجربیاں دے دوران اُس سُن مچ ساریاں چیزاں ایجاد کیتیاں۔ جنہاں تھیں لوکاں کو فائدہ ہو یا۔ اس طراں جابر دی شہرت دُور دُور تک کھنڈ گئی۔ ہارون رشید جیہڑا اُس وقت بغداد دا خلیفہ آسا سُن جابر کو بغداد اپنے دی دعوت دتی۔ جابر بغداد گیا تے اُس دی بڑی قدر ہوئی۔ خلیفے سُن اُس کو انعام واکرام نال نوازیا۔

جابر تھیں پہلیاں دنیا علم کیمیا (کمسٹری) (Chemistry) بچ تجربیاں دی اہمیت توں نا واقف آسی۔ اُس سُن کیمیائی تجربے کیتے۔ انہاں تجربیاں دے اصول ہور قاعدے مرتب کیتے۔ ایہہ اصول تہ قواعد اج بھی برتے جلدے ہین۔ ایہہ جابر ہی آسا جس اساں کو دسیا کہ ٹھوس چیزاں کو بخارات بچ کسراں تبدیل کیتا جاسکدا ہے۔ اُس سُن ٹھوس چیزاں تھیں ہلکی لطیف چیزاں حاصل کرکا

انہاں کو دو انیاں بچ ملایا؛ اسی طراں اُس سُن دو انیاں کو محفوظ رکھنے دا طریقہ بھی ایجاد کیتا۔ ایہہ اوہ ہی طریقہ ہے جس کو اسیں اجکل سبلیمیشن (Sublimation) دے ناں نال جاننے ہاں۔ جابر اٹھئی نیہہ رُکیا اُس سُن آکسیڈیشن (Oxidation) دا طریقہ بھی ایجاد کیتا۔ لوہے دے تجرے کیتے ہو راساں کو دسیا کہ لوہے کو کسراں صاف کر کا فولاد بچ تبدیل کتیا جاسکدا ہے۔

جابر اسماں کو دسیا کہ لوہے کو کسراں زنگ تھیں بچایا جاسکدا ہے۔ اُس سُن چمڑا رنگنے دا طریقہ دریافت کرنے دے نال نال بالاں کو کالا کرنے دا نسخہ بھی تیار کیتا۔ عرق کشید کرنے دا آلہ بھی اسی ذہن کیمیا گردی ایجاد ہے۔ ایہہ اوہی آلہ ہے جس کو اسیں ریٹارٹ (Retort) دے ناں نال جان دے ہاں۔

جابر سُن ایہی معدنی تیزاب ایجاد کیتا۔ تیزاب نہایت ہی اہم کیمیا ہے۔ قلمی شورے دا تیزاب (Nitric Acid) ایجاد کرنے دا سہرا بھی اسی دے سر ہے۔ نائٹریک ایسڈ بنیدیاں اُس دے رُچ سارے پہنا نڈے ضائع ہوئے۔ اوہ جس پہنا نڈے بچ بھی ایہہ تیزاب رکھدا اُس بچ سوراخ ہو گیندے۔ جابر اس گل دی پرواہ نہ کیتی۔ اُس کول چاندی دی کٹوری آسی۔ اُس تیزاب اُس چاندی دی کٹوری بچ جمع کرنا چاہیا مگر اُس بچ بھی سوراخ ہو گیا۔ اُس کول سونے دا ہک

پہاٹڈ اہچیا دا آسا۔ اُس سُن اُس کو بھی آزما یا۔ سونے دے پہاٹڈے تے تیزاب دا کوئی اثر نہ ہو یا۔ اُس کول شیشے دا بھی ہک پہاٹڈا آسا۔ اُس تے بھی اُس تجربہ کیتا۔ ایہہ بھی تیزاب دے اثر تھیں محفوظ رہیا۔ چنانچہ اپنے تجریاں دا ذکر کردیاں ہوئیاں جابر لکھدا ہے ”قلمی شورے دا تیزاب اتنا تیز آسا کہ کوئی برتن بچ نہ سکیا۔ صرف دو چیزاں ایہجیاں ملیاں جنہاں تے اس تیزاب دا اثر نہ ہو یا، ہک سونے دا پہاٹڈا ہور دُوا شیشے دا پہاٹڈا۔“

اس عظیم سائینس دا سُن کئی قسم دے تیزاب ایجاد کیتے۔ اُس سُن سونا کاہڑھنے دا تیزاب بھی ایجاد کیتا۔ مختلف قسم دے تیزاب تیار کردیاں کردیاں اُس دی اکھیاں خراب ہو گئیاں۔ ہور اُس دی انگلیاں سرگئیاں مگر اُس سُن تحقیق دا کم نہہ چھوڑیا۔

جابر بن حیان دنیا دا پہلا سائینس دان ہے جس سُن علم کیمیا (کمسٹری) بچ تجریاں کو اہمیت دتی۔ اُس اپنی تمام زندگی تجریاں بچ صرف کیتی۔ علم کیمیا کو جابر سُن مچ گجھ دتا۔ کوفہ دے اس سائینس دان کو علم کیمیا (کمسٹری) دا بابا آدم (Father of Chimestry) تسلیم کیتا گیندا ہے۔

## 1۔ اوہکھے لفظاں نامطلب:

عطار	:	عطر بیچنے والا
گٹ گٹ کا پھرنا	:	مُج زیادہ پھرنا
بھٹی	:	بڑا چلہا، لوہاراں دی پھٹھی
کیمیاگر	:	کیمیا بنانے والا
مرتب	:	ترتیب دینے والا
قواعد	:	قاعدہ دی جمع
ایجاد کرنا	:	کوئی نویں چیز، وجود نچ آنا
دریافت کرنا	:	ٹھونڈ کڈھنا
کشید کرنا	:	عرق کڈھنا
آلہ	:	اوزار، ہتھیار
معدنی تیزاب	:	اوہ تیزاب جیہڑا دھاتاں نال بنایا جائے
عظیم	:	بڑا، بڑے رتبے والا



بابا آدم : شروع کرنے والا (جسراں نسلِ آدم دی بُنیاد حضرت آدمؑ تھیں  
پئی اُسے طراں جدوں کوئی کسے نویں ایجاد دی وجہ بنے تہ اُس کو  
اُس ایجاد دا بابا آدم آکھیا جُلد اہے۔)


## 2- مندرجہ ذیل سوالاں نے جواب دیو:

- (۱) جابر بن حیان کون آسا؟
- (۲) جابر بن حیان دی تعلیم و تربیت کتھا ہوئی؟
- (۳) جابر بن حیان نے کیہڑیاں چیزاں کو ایجاد کیتا۔؟
- (۴) جابر کو بغداد اپنے دی دعوت کس دتی؟
- (۵) خلیفہ ہارون رشید سُن جابر نال کے سلوک کیتا؟
- (۶) نائٹرک ایسڈ کو کس دھات دے پہنا نڈے بچ رکھیا جاسکدا ہے؟
- (۷) جابر بن حیان کو علم کیمیا دا بابا آدم کیّاں آکھیا جُلد اہے؟



## چوری

پرانے وقت نی گل ہے جے ہک جناں بچ ہی غریب تہ لاچار جنیا آسیا۔  
اُس کول صرف دو بکریاں تہ ہک پچھیرا آسا۔ اوہ ہر سال بہکاں بچ جانا سا۔ ہک  
سال اوہ بہکاں بچ اپنے ٹہارے بچ پیٹھیا ایہہ سوچن لگا کہ ماہڑی غریبی کسٹراں  
دور ہوسی۔ اچانک اُس کی ایہہ خیال آیا کیّاں نہ میں لوکاں نے چوکھراں اتھوں  
چھپا کے کسے دوئی جگہ پہنچنا شروع کراں۔ ہوئی سلکنا ماہڑی حالت دُست  
ہوئی جائے۔ اُس جنسُن اوہی کم شروع کیتا تہ کدے کدے ناداند کدے کسے نی  
گاں کدے کسے نی بکری پکڑی تہ دوئی جگہ بچ آنا آسا۔ اس طراں اس بہکاں بچ  
رہ کے چوری نا خوب موقع ملنا رہیا تہ اسطراں اوہ روپے وی چنگے کمان لگا۔ اس  
بہک بچ لوک کہٹ ہی رہنے سن۔ تاں ہی اوہ چوکھرتہ بکریاں بیچارہنا سا۔ جس  
ویلے بہکاں ناموسم مکیا تہ اوہ اپنیاں بکریاں تہ پچھیرا کہن کے کہر مڑ آیا۔ کہر آ کے  
اُس سن اسی سال منگنا چھوڑ دتا۔ کیّاں جے چوری نے روپے اس کول  
بہوں سارے آگے سن۔ چار مہینے ارامے نال نکل جانے سن۔ جس ویلے دُوئے



لوک اپنے چوکھر لوڑن واسطے بہرہاں بیچ گئے کسی کی اپنی بکری نہ لہی کسی کی اپنا داند نہ لہاتہ کسی کی گجھ وی نہ تھہایا۔ رچھا داوی اُس سال گجھ زوردار حملہ نہ ہو یا سا۔ لوک بیچارے لوڑ ٹھونڈ کے تہ کُہراں درمڑ آئے۔ لوک سوچنے سن کہ اس سال کے ہو گیا۔

جد کہ اے جیا مسئلہ کدے وی پیش نہیہ آیا۔ خیر لوکاں صبر ہی کیتا۔ اچانک ہک دن اوہ جناں جس نا داند گم گیا آسا اوہ اس گراں بیچ گیا جتھے اُس جنے اُسناں داند بیچیا نا سا۔ اُس ہک کُہر بیچ اپنا داند بدھانا تکیا تہ اپنا داند سیان کہدا۔ اُس سُن انہاں کی پُچھیا تُساں ایہہ داند کتھوں آندا ہے۔ اوہ آکھن لگے بہرہاں بچوں ہک جناں آیا سا۔ اساں ایہہ داند اُس کولوں خریدیا۔ اوہ جناں اتھے ہور چوکھر بکریاں وی بیچارہیاں۔ اوہ جناں آکھن لگا ایہہ داند ماہڑا ہے۔ اُس ایہہ چوری کر کے تُساں کی بیچ گیا ہے۔ تُسیں ماہڑا داند موڑ کے دیوتہ اپنے پیسے وی

چاکھنوتہ بیچنے والے جنے ناناں دس چھوڑو۔ انہاں داند دے چھوڑیا تہ پیسے چا کہندے ہور جنے ناناں وی دہسیا۔ اُس جنے داند لڑ لایا واپس اپنے کہر آیا۔ اپنے گراں بیچ آکے اس ساریاں لوکاں کی ایہہ گل سنائی کہ فلاں شخص اسان نے چوکھرتہ پہناروں بکریاں چوری کری تہ بیچی گیا ہے۔ انہاں اس جنے کو پکڑیا خوب مار کٹ کیتی تہ نال کھڑکے سارے چوکھر واپس کروائے۔ اس جنے نامنہ کالا کری کھوتے اُپر چاٹھی سارے گراں بیچ پھیریا۔ اُس جنے سُن توبہ کیتی جے چوری کولوں آدمی پہنگھا مر جُلے اوہ بہتر ہے۔ انسان کی کدے چوری نا خیال وی دے بیچ نیہہ رکھنا چاہئے۔ چوری انسان کی ذلیل و خوار کری چھوڑنی ہے۔

## 1۔ اوہکھے لفظاں نامطلب:

مُج	:	بہت بہوں
بہنگ	:	ٹھوک۔ جھتے چوکھر چارن واسطے برہیا لے جان دے ہن۔
دوئی	:	دوسری۔ دوجی
مکلیا	:	ختم ہو یا

## 2- مندرجہ ذیل سوالاں نے جواب دیو:

- (۱) غریب جنے نے غربت دور کرن واسطے کے کم شروع کیتا؟
- (۲) گم ہو یاداند کس طراں ملیا؟
- (۳) چور جنے سنگ گراں نے لوکاں کے برتاؤ کتیا۔

## 3- خالی جگہاں کی پہرو:

- (۱) ہک جنناں مچ ہی ..... آسا۔
- (۲) اس جنے کول اپنیاں دو بکریاں تے ہک ..... سی۔
- (۳) انہاں پکھیاں ساں ایہہ داند ..... آندا۔
- (۴) جنہاں لوکاں نے چوکھر چوری کر کے ..... رہیا۔
- (۵) لوکاں چور دامنہ ..... کیتا۔
- (۶) آخر اس جنے چوری کولوں ..... کیتی۔

نوٹ:

اُستاد بچیاں کی چنگے مندے نافرک سمجھاؤن تہ انہاں نال تبادلہ خیال کری تہ ایہہ جاننے نی کوشش کرن جے بچیاں نی نظر بچ کیہڑے کم چنگے ہین تہ کیہڑے کم مندے تہ ایہہ چنگے نامندے کیہڑی گلوں ہین۔



## نشے نی لت

نشہ ہک بُری عادت ہے۔ کوئی وی نشہ ہووے انسان کی تباہی تہ بربادی نی طرف ہی کھن جانا ہے۔ شراب نوشی، سگریٹ، پیڑی، تمباکو زردا ایہہ سب ایہجے نشے ہین۔ جنہاں نال انسان نی صحت تباہ و برباد ہو جانی ہے۔ شروع شروع بچ نوجوان یا بچے انہاں نشیاں کی شوقیا طریقے نال لینین مگر بعد بچ اس نے عادی ہوئی جانے ہین۔

کوئی وی مذہب شراب نوشی نی اجازت نیہہ دیندا۔ اسلام بچ شراب کی حرام قرار دتا گیا ہے۔ شراب نا استعمال انسان کی حیوان بنائی چھوڑنا ہے۔ شرابی شخص نی سماج بچ کوئی قدر و قیمت نیہہ ہونی ہو راوہ شراب پی کے نالیاں بچ پیا ہونا ہے۔

ہر فرد شرابی کی حقارت نی نظر نال تکنا ہے۔ پیسہ تہ اوہ برباد کر رہیا ہے مگر اس نے نال اوہ اپنی صحت وی تباہ و برباد کر چھوڑنا ہے۔ شراب نوشی نال گردے ختم ہوئی جانے ہین، شرابی نی کہر پنچ، سماج پنچ یا کسے تھان کوئی عزت نیہہ ہونی۔

جھتے توڑیں سگریٹ بیڑی، زردا، گھٹکانا تعلق ہے ایہہ سب چیزاں تمباکو نوشی یا تمباکو نے استعمال پنچ آئیاں ہین۔ تمباکو نوش یا تمباکو خور سماج نی کسے مجلس پنچ اعتماد نال نیہہ بیٹھ سکنا ہے۔ اس نادل مطمئن نیہہ ہونا۔ جد کدے کوئی دوا بندہ اس نال گل کرنا ہے اوہ اپنا منہہ اگے پچھے کرن لگنا ہے۔ وجہ صرف ایہی ہونی ہے کہ اسنے منہہ بچوں بد بو آئی ہے۔ اس کی چھپان واسطے اوہ نہایت ہی مجبور ہونا ہے۔

سماج تھوں بغیر وی جد تمباکو استعمال کرنے والا شخص اپنے کہر پنچ وی تنقید نا نشان بننا ہے۔ کہر نے بندے وی نشوئی کی چنگی نظر نال نیہہ تکنے۔ ہک تہ اپنے پیسے نا نقصان کرنا ہے۔ دوا سماج کولوں سنگھناں رہنا ہے۔ تیجا اپنی صحت تباہ کرنا ہے۔ تمباکو نے استعمال نال انسان کی گلے نا کینسر ہون نے بہوں امکان ہونے ہین۔ اس نے نال دند خراب ہوئی جانے ہین ہور دنداں نی خرابی نال انسان نا حُسن تہ رعب برباد ہوئی جانا ہے۔ سگریٹ، بیڑی پینے والے شخص عموماً کھنگنے

رہنے ہیں۔ انہاں کی ہمیشہ چھاتی نی تکلیف سر پئی رہنی ہے۔ اصل بچ تہواں نشوئی نے پھپھڑیاں بچ جان نال اس نے پھپھڑے خراب کری چھوڑنا ہے۔  
 جنہاں بچیاں تہ نوجواناں کی نشے نی لت پئی ہوئی ہے۔ انہاں نے مقابلے بچ اوہ بچے جیہڑے تمباکو استعمال نیہہ کرنے صحت صفائی نے لحاظ نال بہت بہتر ہیں۔ ہک سماج کی صحت مند تہ خوبصورت بنان نی خاطر اسماں کی تمباکونا استعمال بالکل نیہہ کرنا چاہی نا۔ بلکہ کسے وی نشے والی چیز نا استعمال نیہہ کرنا چاہی نا۔ اسطراں اساہڑ سماج اک صحت مند ہور خوبصورت سماج بنی جاسی گا۔

## 1۔ اوہکھے لفظاں نامطلب:

عادی	:	عادت مند
مطمئن	:	مطمئن جس کی تسلی ہووے
اچھن	:	آون
مجلس	:	گجھاں بندیاں نال کٹھا بیٹھنا
سر پینا	:	واسطہ پینا



کھنگ : کھانسی

اعتماد : پھروسہ

## 2- مندرجہ ذیل سوالوں نے جواب دیو:

- (۱) تمباکو نے نقصان پر چار جملے لکھو۔
- (۲) شراب پین والے کی سماج بیچ کس نظر نال دیکھیا جانا ہے؟
- (۳) نشہ کیاں بری عادت ہے؟

## 3- خالی جگہاں کی پھرو:

- (۱) نشہ ہک..... عادت ہے۔
- (۲) شراب..... کی ختم کرنا ہے۔
- (۳) تمباکو نال دند..... ہونے ہین۔
- (۴) شرابی نی سماج بیچ..... نیہہ ہونی۔
- (۵) تمباکو نال گلے نا..... ہونا ہے۔





## چنگیاں عاداتاں

انسان کی اُسُنیاں عاداتاں توں سیانیا جانا ہے۔ جوں جوں انسان نی عمر گزر جانی ہے اُسُنیاں عاداتاں پکیاں ہونیاں جاناں ہین۔ مگر نکئی عمر بچ جیہڑیاں عاداتاں پے جاوَن اوہ ساریاں زندگی نال رہنیاں ہین۔ چنگیاں عاداتاں نا فائدہ ہونا جد کہ پھڑیاں عاداتاں نا نقصان۔ باہدے کہناٹے نا اثر اپنے اُپر ہی نیہہ بلکہ دُویاں پروی پینا ہے۔

اگر پوری جماعت بچ دو لڑکے دیری نال آون تہ دُویاں لڑکیاں اُپر اس نا اثر پے سکنا ہے۔ اوہ وی غیر حاضر ہسن۔ ایسی حالت بچ استاد کی بڑی تکلیف

ہونی ہے۔ پڑھان نامن ہی نیہہ کرنا۔ جس ویلے ہور لڑکے دیری نال آئے۔ استاد کی اپنا سبق دوہرانا پینا ہے۔ بچے تہ استاد دواں نا وقت برباد ہونا ہے۔ اگر دیری نی وجہ پُچھو تہ بے تگے بہانے بنان لگنے ہین۔ اصل بیچ انہاں کی سویرے اٹھن نی عادت نیہہ ہونی۔ ایہہ دیر نال اٹھن نی عادت نی وجہ نال سکول نام کر سکنے نہ ہی سکول وقت پر بیچ سکنے ہین۔ اُستاد نے سوالاں نا جواب نیہہ دے سکنے۔ اس طراں انہاں بچیاں بیچ چھوٹھ بولن نی عادت پے جانی ہے۔ جیہڑا ہک بڑا گناہ ہے۔

دیری نال جاگن نی وجہ ہک ایہہ وی بنی ہے کہ بچے اپنی صفائی نا خیال وی نیہہ رکھ سکنے۔ تساں تکیا ہوسی بچے رستے دوڑنے قمیض نا بٹن بنھنے جلنے بوٹ نے تسمے جانی سکول بنھنن۔ اصل گل تہ ایہہ ہے کہ پہلاں اٹھنے لیٹ فر خوا مخواہ نی تاول۔ لباس کپڑے گتھوں طریقے نال لان ہوون۔ دیری نال جاگن نی وجہ نال ماء کی وی تنگ کرنے استاد اگے وی چھوٹھ بولنے۔ اگر ایہہ سویرے بہلے جاگن نی عادت پیدا کرن ماء وی خوش اُستاد وی خوش نالے روز روز چھوٹھ بولنے نی عادت تھیں وی بیچ جاسن گے۔

وقت اُپر کم کرنا چنگی عادت ہے۔ جے سیانیاں نی سیانی گل ”اج نام پہلکے اُپر نہ چھوڑو“ جیہڑے بچے رات دیر تک کھیڈنیں تہ دل بچ خیال کرنیں جے سکول نام کل کرساں۔ انہاں نام پورا نیہہ ہونا۔ کم اگر کرن وی اسطراں جلدی تہ بے دلی نال کرنے کہ بچیاں کی سمجھا چھنا نہ اُستاد کی پڑھن ہونا۔ تاول نا نقصان ہی نقصان ہے۔ جیہڑے بچے وقت پر کم کرنے سویلے جلدی اُٹھنے چہو ٹھنیہہ بولنے۔ اپنی صفائی ناتھیان رکھنے اپنا کپڑا بوٹ صاف رکھنے۔ ماء پیو، پہن پھرا ہور استادنا ادب کرنے اوہی بچے زندگی بچاگے جائی کامیاب رہنے رہنیں۔

## 1۔ اوہکھے لفظاں نامطلب:

چنگی	: اچھی
سیانی	: سنجیدہ
تاول	: جلدی
خواہ مخواہ	: ایویں کیویں۔ بغیر کسے وجہ
جوں جوں	: جیاں جیاں
باہدے کہناٹے	: فائدے نقصان

## 2- مندرجہ ذیل سوالات نے جواب دیو:

- (۱) آدمی کس طراں سیانیا جانا ہے؟
- (۲) دیرنال جاگن نے نقصان دہسو۔
- (۳) ”اج نام کل اُپر نہ چھوڑو“ نا کے مطلب ہے؟
- (۴) چھوٹھ بولنا کیاں پہیڑی عادت ہے؟
- (۵) پنچ چنگیاں عاداتاں دہسو۔

## 3- خالی جگہاں کی پہرو:

- (۱) دیری نال جاگنا..... عادت ہے۔
- (۲) سچ بولنا..... عادت ہے۔
- (۳) اج نام..... پر نہ چھوڑو۔
- (۴) اُستادنا..... کرو۔
- (۵) اپنی جماعت نے پچیاں نال..... طریقے نال پیش آو۔



## بابا صاحب امبیڈکر

ہر ملک نے اندر گچھ خاص خاص شخصیتاں ہونیاں ہین جیہڑیاں اپنے کارنامیاں تہ کار کردگیاں واسطے قوم نے دلاں بیچ ہمیشاں واسطے بسنیک ہوئی جانیاں۔ آساں نے ملک ہندوستان بیچ وی اسے طراں نیاں بے شمار شخصیتاں ہوئیاں جنہاں کی قوم آج وی انہاں نے کارنامیاں نی وجہ تھیں یاد کرنی ہے۔ انہاں بچوں ہی اک ایسی شخصیت وی سی جس کی لوک بابا صاحب بھیم راؤ امبیڈکر نے ناں نال جانین۔

ڈاکٹر بھیم راؤ امبیڈکر نا جنم 14 اپریل 1891ء بیچ ریاست مدھیہ پردیش نے متو علاقے بیچ رام جی مالوجی نے کھر ہو یا۔ اوہ اک کچھڑے طبقے نال تعلق رکھنے سن۔ انہاں نے والد فوج بیچ ملازم سن۔

جدوں ڈاکٹر امبیڈکر نا جنم ہو یا، اُس ویلے ہندوستانی سماج نے اندر  
 چھوت چھات نی لعنت اپنے زوراں اُپرسی تہ پچھڑی ذات نے پچیاں کی انہاں  
 سکولاں بیچ داخلہ نیہہ سی ملنا جتھے اُچی ذات نے بچے وی پڑھنے ہوون۔ اس  
 امتیازی سلوک نا شکار بھیم راؤ امبیڈکر وی ہوئے۔ اسراں نی انہاں منڈھلی تعلیم  
 جماعت نے کمرے تھیں باہر ہوئی۔

انہاں ہمت نیہہ ہاری تہ اپنی تعلیم جسراں کسراں جاری رکھی ہوور اس طراں  
 انہاں آخر ایلفن سٹون کالج تھیں بی۔ اے نا امتحان پاس کیتا۔ اس سلسلے کی اگے  
 بدھانیاں ہویاں انہاں امریکہ نی کولمبیا یونیورسٹی تھیں ایم۔ اے ہوور فرنی۔ ایچ۔ ڈی  
 نیاں ڈگریاں حاصل کیتیاں ہوور برطانیہ تھیں قانون نی تعلیم حاصل کیتی۔

بابا صاحب امبیڈکر اک اُپے درجے نے دانشور تہ قانون دان سن۔  
 انہاں ساری عمر مظلوماں، محکوماں تہ دے دباڑے نے لوکاں نی پہلائی بہتری  
 واسطے کم کیتا۔ انہاں نی دلی خواہش سی جے کسے طراں ہندوستان تھیں چھوت  
 چھات تہ ذات پات نی لعنت کی ختم کیتا جائی سکے تہ اس واسطے انہاں ساری  
 زندگی کوشش کیتی۔

بابا صاحب امبیڈ کر کی ایہہ شرف حاصل ہے کہ جس ویلے ہندوستان نا دستور بنایا گیا، انہاں کی اُس دستور بنانے والی کمیٹی نا سربراہ مقرر کیتا گیا، اوہ آزاد ہندوستان نے پہلے وزیر قانون وی بنے۔

ہندوستان نے آئین نے اندر اقلیتاں ہور دلتاں نے حوالے نال اگر گچھ ہے تہ اوہ محض بابا صاحب امبیڈ کر نیاں جہدیاں نا نتیجہ ہے۔ انہاں نی شخصیت نے بے شمار پہلو ہین۔ اوہ جتھے اک قانون دان سن، اُتھے ہی اک ماہر اُستاد تہ مصنف وی سن۔ اوہ سیاسیات نے ماہر ہون نے نال نال اقتصادیات نا وی ڈوہنگا علم رکھنے سن۔ انہاں نی قابلیت تہ خدمتاں نے عوض بچ انہاں کی مُلک نے اک عظیم اعزاز ”بھارت رتن“ نال وی نوازا گیا ہے۔

بابا صاحب 65 برہے نی عمر بچ 6 دسمبر 1956ء کی فوت ہوئے۔ قوم اُج وی انہاں نے جنم دن یعنی 14 اپریل کی ”امبیڈ کر جینتی“ نے طور ورمنا نی ہے۔ ہندوستانی عوام انہاں کی ہمیشاں ہندوستان نے عظیم دستور ساز نے طور اُپر یاد رکھسی گی۔



## 1- اوہکھے لفظاں نامطلب:

بسپک	:	کسے جگہ بسنے آلا
چکھڑے	:	چہڑے پیئے۔ غریب
چھوت چھات	:	کسے نال ہتھ ملانے تہ ملنے جُلنے تھیں نفرت کرنا
دَلت	:	نکی ذات والے لوک جنہاں نال اُچیاں ذاتاں والے فرقو فرقی کرنین
مُنڈھلی	:	شروع والی۔ پہلی
دبے دباڑے	:	اوہ لوک جنہاں کی معاشرے نچ اُپر نہ اُٹھن دتا جائے۔ اگے نہ بدھن دتا جائے
اقلیتاں	:	ایسا قبیلہ یا قوم جیہڑے کسے مُلک نچ کہٹ تعداد نچ ہوون
دستور	:	آئین۔ قانون
پہلو	:	پاسا۔ بکھی۔ باندے۔ اگے
مصنف	:	کتاب لکھنے والا

عوض : بدلہ۔ اجرت۔ معاوضہ۔ صلہ  
 جینتی : جنم دن۔ اوہ تہیاڑ اجدوں کوئی جمیا ہووے  
 دستور ساز : آئین مرتب کرنے والا۔ قانون بنانے والا  
 جہدیاں : کوششاں

## 2۔ مندرجہ ذیل سوالاں نے جواب دیو:

- (۱) بابا صاحب امبیڈ کرگتھے پیدا ہوئے؟
- (۲) انہاں نے پیونا کہہ ناں سی؟
- (۳) بابا صاحب بی۔ اے کتھوں کیتی؟
- (۴) انہاں کو لمبیا یونیورسٹی تھیں کیہڑیاں ڈگریاں حاصل کیتیاں؟
- (۵) بابا صاحب قانون نی تعلیم گتھوں حاصل کیتی؟
- (۶) بابا صاحب کی کیہڑی کمیٹی ناسر براہ بنایا گیا؟
- (۷) بابا صاحب کی کیہڑی وزارت دتی گئی؟
- (۸) بابا صاحب امبیڈ کرنی وفات کدوں ہوئی؟

### 3۔ انہاں لفظاں کی اپنے جملیاں بنج برتو:

بسئپک۔ چھوت چھات۔ منڈھلی۔ اعزاز۔ دستور ساز

### 4۔ ہندوستان نیاں بنج بریاں شخصیتاں نے ناں لکھو:

۱: مہاتما گاندھی

۲:

۳:

۴:

۵:





## ڈاکٹر صابر مرزا

دُنیا اندر ہمیشاں اللہ تعالیٰ سُن بکھریاں بکھریاں شخصیتاں پیدا کیتیاں  
ہین۔ کسے سیاست پنج اپنا ناں کڈھیا تہ کوئی بڑا سائنس دان بنیا، کوئی تاریخ دان  
ہو یا تہ کوئی شاعر، کوئی مذہبیات ناما ہر ہو یا تہ کوئی معاشیات نا، اسے طراں ہر ہر  
علاقے پنج وی اسے طراں نیئاں شخصیتاں پیدا ہونیاں آئیاں ہین۔ خطہ پیر پنجال  
وی اس لحاظ ناں بہوں ہیلا ثابت ہو یا ہے تہ زندگی نے بکھرے بکھرے شعبیاں  
نال تعلق رکھنے والیاں کئی اک شخصیتاں اس خطے پنج وی پیدا ہونیاں آئیاں۔  
مرحوم ڈاکٹر صابر مرزا خطہ پیر پنجال نی اک معروف شخصیت سن۔ انہاں  
شعر و ادب پنج خوب ناں کمایا۔ اوہ اُردو، پہاڑی، گوجری تہ پنجابی پنج شاعری  
کرنے سن۔ تحقیق نے میدان پنج وی انہاں چوکھا کم کیتا ہے۔

صاؑر مرزا ہوراں نا جنم ۷۷ مئی ۱۹۴۷ء کی تھنہ منڈی تحصیل نے پڑھوٹ  
گراں بچ حاجی مرزا وزیر محمد ہوراں نے کھر ہويا۔ ابتدائی تعلیم اپنے آبائی  
علاقے تھیں ہی حاصل کیتی تہ ۱۹۶۵ء بچ میٹرک نا امتحان پاس کیتا۔ ایہہ  
امتحان پاس کرنیاں ہی انہاں کی محکمہ تعلیم بچ بحیثیت اُستاد پھرتی کری دتا گیا،  
جتھے اوہ جون ۱۹۸۸ء تکر تعینات رہے تہ جولائی ۱۹۸۹ء تھیں اوہ ریاستی کلچرل  
اکادمی نے راجوری آفس نے پہلے کلچرل آفیسر تعینات ہوئے، جتھوں ترقی  
کری تہ اوہ سپیشل آفیسر فار کلچرل ایکٹی ویٹیز گریڈ فسٹ بنے تہ اتھوں ہی  
سبکدوش ہوئے۔ اسراں اک لحاظ ناں انہاں نا تعلیمی سلسلہ گچھ چر واسطے رُکی  
گیا، وراوہ اس سلسلے کی اگے بدھانے واسطے کوشش کرنے رہے تہ اس کوشش  
نے نتیجے بچ انہاں ۸۵-۱۹۸۴ء بچ گریجویشن نی ڈگری حاصل کیتی تہ بعد بچ  
ایم۔ اے ہور فر پی۔ ایچ۔ ڈی نیاں ڈگریاں حاصل کیتیاں۔ ڈاکٹر صاؑر  
مرزا ہوراں کی بچپن تھیں ہی شاعری نا شوق سی تہ اسراں لوہکی عمری تھیں ہی  
انہاں شعر آکھنے شروع کری دتے سن۔ انہاں نی طالب علمی نے زمانے بچ ہی  
تھنہ منڈی نے اندر مشاعرے کروائے جانے سن، جنہاں بچ مرکزی کردار  
شہباز راجوری ہور ادا کرنے سن۔ شہباز ہور صاؑر مرزا ہوراں نے اُستادوی

سن تہ گماہنڈی وی، اس واسطے انہاں نی شخصیت تھیں اثر قبول کرنا اک فطری گل سی۔ مقامی سطح اُپر منعقد ہونے والیاں ادبی تہ شعری محفلاں پنج صابر مرزا ہور سرگرمی نال حصہ کھننے۔

شروع شروع پنج انہاں اُردو شاعری واخ تہیان دتا تہ چنگاناں کمایا۔ ویلہ گزرن نے نال نال انہاں اپنی ماء بولی واخ رُخ موڑیا تہ پہاڑی زبان وچ شاعری کرن لگے۔ اتھے وی انہاں خوب ناں کمایا تہ پہاڑی شاعراں نی پہلی صف پنج گنے جان لگے۔ پہاڑی تھیں علاوہ اوہ گوجری تہ پنجابی شاعری وچ وی اپنی جگہ بنانے وچ کامیاب ہوئے۔

صابر مرزا ہوراں نیئاں کجھ کتاباں شائع ہویاں ہین؛ جنہاں پنج خوشبو نما (اُردو شعری مجموعہ) ‘باغ بہاراں (پہاڑی شعری مجموعہ)‘ رنگ رُتاں گلزار (پہاڑی شعری مجموعہ) ‘حدِ فراز (اُردو شعری مجموعہ)‘ کوک کلیجہ کیس (گوجری شعری مجموعہ) ‘دینا ناتھ رفیق بحیثیت شاعر (تحقیقی مقالہ)‘ تہ گھدے موسم (پنجابی شعری مجموعہ) ‘پہلیاں سوچاں (پہاڑی شعری مجموعہ)‘ تخلیق و تفہیم (اُردو مقالیاں نا مجموعہ) ‘ماسی بالی (پہاڑی ڈرامہ) تہ ‘صوبہ جموں کے علاقائی ادب پر اُردو کے اثرات‘ (تحقیقی مقالہ) شامل ہین۔

تحقیق تہ تخلیق تھیں علاوہ انہاں ترجمے ناوی چوکھا کم کیتا ہے، جس پنج ساریاں تھیں اتم مثنوی مولانا روم نا پہاڑی ترجمہ ہے۔ صابر مرزا پہاڑی زبان نے نمائندہ شاعراں پنج شامل ہیں۔ انہاں نے شعری مجموعے ”رنگ رتاں گلزار“ واسطے انہاں کی ۲۰۰۹ء پنج بیسٹ بک ایوارڈ نال وی نوازا گیا ہے۔ اس تھیں علاوہ وی انہاں کی کئی اک سرکاری تہ غیر سرکاری تنظیمیاں نی طرفوں اعزاز حاصل ہوئے۔

ایہہ سوچجا شاعر ۶ جون ۲۰۱۶ء کی اس دُنیا کی خیر آباد آکھی تہ آخرت نے سفر اُپر نکلی گیا۔ اللہ جنتاں پنج باسا کرے نے!

## 1۔ اوہکھے لفظاں نامطلب:

معروف : جانیا پہچانیا  
تحقیق : سوہ۔ کھوج  
چوکھا : چنگا۔ خاصا

آبائی	:	پودادے والا۔ جس نی نسبت اجداد نال ہووے
بحیثیت	:	حیثیت بچ
فطری	:	قدرتی
تخلیق	:	کوئی لکھت جیہری پہلاں موجود نہ سی تہ نویں
		بنائی گئی ہووے
سوچجا	:	سچ والا، ہنرمند
لوہکی	:	نکی۔ چھوٹی
گماہنڈی	:	ہمسایہ

## 2۔ مندرجہ ذیل سوالاں نے جواب دیو:

- (۱) صابر مرزانا تعلق کس خطے نال سی؟
- (۲) صابر مرزانا جنم کدوں تہ گتھے ہو یا؟
- (۳) صابر مرزانی مندرجہ ذیل تعلیم گتھے ہوئی؟
- (۴) شروع بچ صابر مرزانا کیہڑی نوکری اختیار کیتی؟
- (۵) ریاستی کلچرل اکیڈمی بچ کے پھرتی ہوئے؟



- (۶) پہاڑی زبان تھیں علاوہ صابر مرزا کس کس زبان بچ شاعر کہتی؟
- (۷) صابر مرزا نے کیہڑے شعری مجموعے واسطے انہاں کی بہترین کتاب ناعزاز ملیا؟
- (۸) ڈاکٹر صابر مرزانی وفات کدوں ہوئی؟

### 3۔ کالم ”الف“ کی کالم ”ب“ نال مناسب طریقے نال جوڑو:

ب	الف
بچپن تھیں ہی شاعری ناشوق سی۔	تحقیق نے میدان بچ وی
اپنی ماء بولی واخ رُخ موڑیا۔	۱۹۶۵ء بچ میٹرک نا
ترجمے ناوی چوکھا کم کیتا ہے۔	صابر مرزا ہوراں کی
انہاں چوکھا کم کیتا ہے۔	شہباز ہور
امتحان پاس کیتا۔	ویلہ گزرن نے نال نال انہاں
صابر مرزا نے اُستاد وی سن تہ	تحقیق تہ تخلیق تھیں علاوہ انہاں
گماہنڈی وی۔	

## 4- خالی جگہاں کی پہرو:

سیاست شخصیتاں پہلی صف آبائی علاقے اعزاز ناں

- (۱) کسے.....بیچ اپنا ناں کڈھیاتہ کوئی بڑا سائنس دان بنیا۔
- (۲) دُنیا اندر ہمیشاں اللہ تعالیٰ سُن بکھریاں بکھریاں..... پیدا کیتیاں ہین۔
- (۳) شعروادب بیچ انہاں خوب.....کمایا۔
- (۴) بُیادی تعلیم انہاں اپنے.....علاقے تھیں حاصل کیتی۔
- (۵) پہاڑی شاعراں نی.....بیچ گنے جان لگے۔
- (۶) کئی اک سرکاری تہ غیر سرکاری تنظیمیاں نی طرفوں.....حاصل ہوئے۔



## پہلے اپنا کتہر بنھ

پرانے زمانے دی گل ہے جے ہک شخص تنگدستی تھیں تنگ آکے ہجرت تے تیار ہو گیا۔ اپنے عیال کو کہن کے ہکی راتی کہروں اوہ شخص روانہ ہو گیا۔ ہک رات تہ ہک تیہناڑ سفر کردے کردے ہکی مقام تے پُچے۔ اُتھے پانی دا چشمہ دکھ کے اُنہاں ڈیرالایا۔ ہک مچ بڑے بوٹے تلے چلہا بنا کے اگ بال کے رٹی پکانی شروع کیتی۔ اوہ شخص کہرے دے جس فرد کو حکم دیندا تہ اوہ بغیر کسی حجت دے تعمیل کردا۔ کسی کو پانی آندے واسطے حکم کردا تہ کسے کو جاء صاف کیتے کو آکھدا۔ کوئی لکڑیاں آندا تہ خود اوہ آدمی پولوں واسطے رسی بڈا آسا۔ کیاں جے صبح فرسفر تے روانہ ہونا آسا۔ اُس زمانے بوٹ، چیلی وغیرہ کجھ بھی نہ ہوندا آسا۔ صرف کہن دیاں پولوں ہونداں آسیاں جہاں کولا کے سفر کیتا جلد آسا۔

اسی دوران اس بوٹے تے ہک پرندہ بیٹھا دا آسا۔ اس پرندے ایہہ سب دوڑ دھوپ دکھ کے پچھیا ”توں رسی کیاں بڈا ہیں؟“ اس جواب دتا ”اس رسی نال تگنو بنساں“ اوہ پرندہ ایہہ سُن کے ڈر گیا تے فر بولیا۔ ”مکو نہ بنھ اسدے بدلے بیچ میں تگنو ہک خزانہ دہساں اوہ کڈھ تے جُل واپس کھر ساری عمر عیش کر“ ایہہ آکھ کے پرندہ اڈ کے ہکی دُوئے بوٹے تے گچھ بیٹھا تے خزانے دی نشاندہی کیتی۔ اُس شخص کھر دیاں باقی بندیاں سمیت اوہ جا گھئی تے لوہونے تھیں پہلاں خزانہ نکل آیا۔ سارا خزانہ کڈھ کے بوریاں بیچ پھر یا، گچھ اپنے کھوڑیاں تے لڈیا تے گچھ آپے چاء کے کھرے کو مڑ آئے۔

فر کے آسارات تہیاڑ ہو راندی حالت تبدیل ہوندی گئی۔ گچھ تھوڑے وقت دے بعد اوہ شخص اس علاقے دا امیر ترین شخص بن گیا۔

اس شخص دی دن بہ دن ترقی دکھ کے آہنڈی گماہنڈی سرن لگ گئے۔ آپس بیچ نت چہ میگوئیاں کردے کہ اس کو کیہڑا اللہ دین دا چراغ ہتھ لگ گیا دا ہے۔ ہک تیہاڑے اُسدے ساہنڈوسن اپنی کھر والی اپنی سالی دے راز معلوم کرن واسطے روانہ کیتی کہ شاید پہنیں اپنی پہنیں کو راز دہس چھوڑسی۔

پہنیں اپنی دوئی پہنیں دے کھر پچھی۔ پہنیوں بڑی آؤ بھگت تہ ٹہل تواضع  
 کیتی۔ گلاں گلاں بچ پہنیوں سُن پچھ کہندا۔ ”دیدے تساں تے اللہ دے فضل  
 ہو گئے دے ہین۔ ایہہ کے راز ہے کہ اچانک تَسدی حالت بدل گئی۔ پہلیاں  
 تَسدی حالت بھی آساں نالوں ہی آسی۔ مشکل نال ہی تَسدا بھی گزارہ چلدا  
 آسا۔ مٹکو بھی کوئی راہ دہس کہ آسدی حالت بھی سُدھر سکے۔ آسیں بڑی تنگی بچ  
 ہاں۔ میں بھی تو ہڑی امّاں جانی ہاں۔“

بڑی پہنیں سِدھی سادی آسی۔ اوہ نیت دی بڑی نیک آسی۔ اُس اوہ  
 سارا قصہ سنا چھوڑیا۔ نکی پہنیں ایہہ سب کچھ سُن کے دلے بچ سوچن لگی ایہہ  
 آساں کم ہے۔ آسیں آج ہی جُلساں۔

اجازت کہن کے نکی پہنیں اپنے کھرے کو روانہ ہو گئی۔ کھر پچھ کے اُس  
 اپنے کھرے والے کو ساری گل دہسی تہ سفر تے فوراً روانہ ہونے دی تیاری کر  
 کہدی۔ رات اپنے دا انتظار ہون لگا۔ رات ہو گئی۔ تھوڑا بہت سامان کہن کے  
 قافلہ روانہ ہو گیا تہ پہنیوں دے دہسے دے ٹھکانے تے قافلہ پچ گیا۔ مقررہ جانی  
 تے پچھ کے بڈھے پولاں واسطے رسی بٹنی شروع کیتی۔ اپنے بڑے گدرے کو چاہنا

بہننے دا حکم دتا۔ گدرے جواب دتا ”تو ہڑا چوڑا پچیا دا ہے۔ آپ بنا کہن، دُوے  
 گدرے کو لکڑیاں آنے دا آکھیا۔ اُس جواب دتا ”تکو آپے کو سؤل ہوئی دی ہے  
 -جُل آپ آن“ رسی بٹنی چھوڑ کے بڈھا خود لکڑیاں کہن کے آیا۔ اُس دی بڈھی سُن  
 چلہنا بنا یا تہ چلے نچ اگ بالی۔ اپنی تیہو کو ٹکڑا پکینے کو آکھیا۔ اوہ پہنگری ”اَنھی ہوئی  
 دی ہیں۔ دکھ دی نیہہ میں کنگا فیر دی ہاں۔ ہٹی دی بھی ہاں۔ آپ پکا کہن۔ بڈھا  
 فر رسی بٹن لگ گیا۔ بوٹے تے موجود ہک پرندہ بولیا۔ ”اوہ چا چا رسی کیاں بڈا ہیں  
 بڈھے جواب دتا ”میں تکو بنھساں“ فوراً پرندے جواب دتا ”پہلیاں آپنا کھر  
 بنھ فر مکو بنھی۔ تو ہڑا سارا کھر گھلایا دا ہے۔

## 1۔ اوہکھے لفظاں نامطلب:

ہجرت	:	ہک جگہ چھوڑ کے دوئی جگہ جانا
تنگدستی	:	غربی۔ گزارہ مشکل نال ہونا
حُجت	:	بہانہ

چہ میگویاں : قیاس آرائیاں۔ گپ شپ  
 چراغ : دیا  
 آؤ بھگت : خدمت خاطر  
 سؤل : پیٹ درد۔ پپر۔ مروڑے  
 پہنگری : غصے نال بولی

## 2۔ مندرجہ ذیل سوالاں نے جواب دیو:

- (۱) شخصے ہجرت نافصلہ کیاں کیتا؟
- (۲) سفر کس ویلے شروع کیتا؟
- (۳) شخص رسی کیاں بٹناسی؟
- (۴) پرندے کہہ کچھیا شخصے کولوں؟
- (۵) پرندے کس چیز نی نشانہ ہی کیتی؟
- (۶) ہن انہاں نی حالت کیسی ہوگئی؟
- (۷) گماہنڈی کیاں سرن لگے؟
- (۸) اس شخصے نے ساہنڈوے اپنی کہروالی کدھر پہنچی؟

### 3- مندرجہ ذیل لفظوں کی اپنے جملیاں بنج برتو:

- |             |          |         |
|-------------|----------|---------|
| (۱) تنگدستی | (۲) عیال | (۳) سفر |
| (۴) خزانہ   | (۵) حالت | (۶) راز |
| (۹) آؤ بھگت |          |         |

### 4- خالی جگہاں کی پھرو:

- (۱) ہک شخص.....تھیں تنگ آ کے ہجرت تے تیار ہو گیا۔
- (۲) اُتھے پانی دا.....دکھ کے اُنہاں ڈیرا لایا۔
- (۳) خود اوہ آدمی پولاں واسطے.....بٹن لگا۔
- (۴) اِسے دوران اِس.....تے ہک پرندہ بیٹھا دا آسا۔
- (۵) اِس شخصے دی دن بدن ترقی دکھ کے آہنڈی گماہنڈی.....لگے۔

